




諸葛集卷三



附錄

策諸葛丞相詔

漢先主

章武元年夏四月詔曰朕遭家不造奉承大統兢兢業業不敢  
康甯思靖百姓懼未能緩於戲丞相亮其悉朕意無怠輔朕之  
闕助宣重光以昭明天下君其勗哉

策復諸葛丞相詔

漢後主

諸葛武侯集卷三


附錄

街亭之役咎由馬謖而君引愆深自貶抑重違君意聽順所守  
前年耀師馘斬王雙今歲爰征郭淮遁走降集氏羌興復二郡  
威震兇暴功勳顯然方今天下騷擾元惡未梟君受大任幹國  
之重而久自抑損非所以光揚洪烈也今復君丞相其勿辭

謚贈諸葛丞相詔

漢後主

惟君體資文武明叡篤誠受遺孤孤匡輔朕躬繼絕興微志存  
靖亂爰整六師無歲不征神武赫赫威震八荒將建殊功於季  
漢參伊周之巨勳如何不弔事臨垂克遭疾隕喪屢用傷悼肝  
心若裂夫崇德序功紀行命謚所以光昭將來刊載不朽令使



使持節左中郎將杜瓊贈君丞相武鄉侯印綬諡君爲忠武侯  
魂而有靈嘉茲寵榮嗚呼哀哉嗚呼哀哉

與諸葛丞相牋

漢劉瓛

瓊稟性空虛本薄操行加有酒荒之病自先帝以來紛紛之論  
殆將傾覆頗蒙明公本其一心在國原其身中穢垢扶持全濟  
致其祿位以至今日聞者迷醉言有違錯慈恩含忍不致之於  
理使得全完保育性命雖必克己責躬改過投死以誓神靈無  
所用命則靡寄顏

與諸葛公書

漢馬良

諸葛武侯集

卷三 附錄

二

聞洛城已拔此天祚也尊兄應期贊世配業光國魄兆見矣夫  
變用雅慮審貴垂明於以簡才宜適其時若乃和光悅遠遵德  
天壤使時閑於聽世服於道齊高妙之音正鄭衛之聲並利於  
事無相奪倫此乃管絃之至牙曠之調也雖非鍾期敢不擊節  
與諸葛公論征蠻

漢馬謖

夫用兵之道攻心爲上攻城爲下心戰爲上兵戰爲下願公服  
其心而已

與諸葛丞相書

漢馬謖

明公視謾猶子謾視明公猶父願深惟殫繇興禹之義使平生

之交不虧於此讓雖死無恨於黃壤也

獄中與諸葛公書

漢彭越

僕昔有事於諸侯以爲曹操暴虐孫權無道振威闇弱其惟王公有霸王之器可與興業致治故乃翻然有輕舉之志會公來西僕因法孝直自銜鬻龐統酌其間遂得詣公於葭萌指掌而譚論治世之務講霸王之義建取益州之策公亦宿慮明定卽相然贊遂舉事焉僕於故州不免凡庸憂於罪罔得遭風雲激矢之中求君得君志行名顯從布衣之中擢爲國士盜竊茂才分子之厚誰復過此兼一朝狂悖自求菹醢爲不忠不義之鬼乎先民有言左手據天下之圖右手刎咽喉愚夫不爲也况僕頗別菽麥者哉所以有怨望意者不自度量苟以爲首興事業而有投江陽之論不解至公之意倉卒感激頗以被酒倪失老語此僕之下愚薄慮所致至公實未老也且夫立業豈在老少西伯九疇有衰志負我慈父罪有百死至於內外之言欲使孟起立功北州戮力至公共討曹操耳甯敢有他志邪孟起說之是也但不分別其間痛人心耳昔每與龐統共相誓約庶託足下未蹤盡心於至公之業追名古人載勳竹帛統不幸而死僕敗以取禍自我墜之將復誰怨足下當世伊呂也宜善與

諸葛武侯

卷三

附錄

三

至公計事濟其大猷天明地察神祇有靈復何言哉賢使足下明僕本心耳行矣努力自愛自愛

諫諸葛公書

漢楊顛

爲治有體上下不可相侵請爲明公以作家譬之今有人使奴執耕稼婢典炊爨雞王司晨犬王吠盜牛喘重載馬涉遠路私業無曠所求皆足雍容高枕飲食而已忽一旦盡欲以身親其役不復付任勞其體力爲此碎務形疲神困終無一成豈其智之不如奴婢雞狗哉失爲家主之法也是故古人稱坐而論道謂之三公作而行之謂之士大夫故邴吉不問橫道死人而憂牛喘陳平不肯知錢穀之數云自有王者彼誠達於位分之體也今明公爲治乃躬自校簿書流汗竟日不亦勞乎

與諸葛公書

漢劉巴

乘危歷險到值思義之民自與之衆承天之心順物之性非余身謀所能勸動若道窮數盡將託命於滄海不復顧荆州矣

與諸葛丞相書

漢孟達

宛去洛八百里去此千二百里聞吾舉事諸君上天子比相反覆一月間也則吾城已固諸軍互辦吾所在深險司馬公必不自來諸將來吾無慮矣

諫諸葛公斬馬謖

漢 荀 珣

昔楚殺付臣而文公喜今天下未定而戮智計之士豈不惜乎

諫諸葛公書

漢 法 正

昔高祖入關約法三章秦民知德今君假借威力跨據一州初有其國未垂惠撫且客主之義宜先降下願緩刑弛禁以慰民

望

稱諸葛公

漢 張 裔

公賞不遺遠罰不附近爵不可以無功取刑不可以貴勢免此賢愚之所以僉忘其身者也

諸葛武侯集

卷三

附錄

五

諫諸葛丞相書

漢 王 連

南中不毛之地疫癘之鄉不宜以一國之望冒險而行

答諸葛公問

漢 楊 洪

漢中益州咽喉存亡之機會若無漢中則無蜀矣此家門之禍也方今之事男子當戰女子當運發兵何疑

為諸葛公答雍闓檄

漢 呂 凱

今諸葛丞相英才挺出深覩未萌受遺託孤翊贊季興與眾無忌錄功忘瑕將軍若能翻然改圖易跡更步古人不難追躡土

何足宰哉

為諸葛丞相請立祠表

漢習隆

臣聞用人懷召伯之德甘棠為之不伐越王思范蠡之功鑄立以存其像自漢興以來小善小德而圖形立廟者多矣况亮德範遐邇勳蓋季世興王室之不壞實斯人是賴而烝嘗止於私門廟像闕而莫立使百姓巷祭戎夷野祀非所以存德念功述追在昔者也今若盡順民心則瀆而無典建之京師又偏宗廟此聖懷所以惟疑也臣愚以為宜因近其墓立之於沔陽使所親屬以時賜祭凡其臣故吏欲奉祠者皆限至廟斷其私祀以崇正禮

諸葛武侯集

卷三

附錄

六

諸葛丞相贊

漢楊戲

忠武英高獻策江濱舉吳連蜀權我世貞受遺阿衡整武齊文敷陳德教理物移風賢愚競心僉忘其身誕靜邦內四裔以綏屢臨敵庭實耀其威精研大國恨於未夷

與諸葛公書

魏司馬懿

黃公衡快士也每坐起歎述足下不去口實

懿嘗見亮乘素車葛巾羽扇指揮三軍歎曰諸葛公可謂名志矣他日案行營壘處所又歎曰天下奇才也其推服至矣

述佐篇論

吳張儼

張儼作默記其言曰漢朝傾覆天下崩壞豪傑之士競爭神器

魏氏跨中土劉氏據益州並稱兵海內爲世霸王諸葛司馬二相遭值際會託身盟主或收功於蜀漢或冊名於伊洛丕備旣歿後嗣繼統各受保阿之任輔翼幼主不負然諾之誠亦一國之宗臣霸王之賢佐也歷前世以觀近事二相優劣可得而詳也孔明起巴蜀之地蹈一州之土方之大國其戰士人民蓋有九分之一也而以貢贄大吳抗對北敵至使耕馱有伍刑法整齊捷步卒數萬長驅祁山慨然有飲馬河洛之志仲達據天下十倍之地仗兼并之衆據牢城擁精銳無禽敵之意務自保全而已使彼孔明自來自去若此人不亡終其志意連年運思刻

諸葛武侯集

卷三

附錄

七

日興謀則冰雍不解甲中國不釋鞍勝負之勢亦已決矣昔子產治鄭諸侯不敢加兵蜀相其近之矣方之司馬不亦優乎或曰兵者凶器戰者危事也有國者不務保安境內綏靜百姓而好開闢土地征伐天下未爲得計也諸葛丞相誠有匡佐之才然處孤絕之地戰士不滿五萬自可閉關守險君臣無事空勞師旅無歲不征未能進咫尺之地開帝王之基而使國內受其荒殘西土苦其役調魏司馬懿才用兵衆未易可輕量敵而進兵家所慎若丞相必有以策之則未見坦然之勳若無策以裁之則非明哲之謂海內歸向之意也余竊疑焉請聞其說答曰



關漢以七十里文王以百里之地而有天下皆用征伐而定  
之揖讓而登王位者惟舜禹而已今蜀魏爲敵戰之國勢未俱  
土百萬備時彊弱懸殊而備猶出兵陽平禽夏侯淵羽圍襄陽  
非降曹仁生獲于禁當時北邊大小憂懼孟德身出南陽樂進  
徐晃等爲救圍不卽解故蔣子通言彼時有徙許渡河之計會  
國家襲取南郡羽乃解軍立德與操智力多少士卒衆寡用兵  
行軍之道不可同年而語猶能暫以取勝是時又無大吳犄角  
之勢也今仲達之才滅於孔明當時之勢異於曩日立德尙與  
抗衡孔明何以不可出軍而圖敵邪昔樂毅以弱燕之衆兼從  
五國之兵長驅強齊下七十餘城今蜀漢之卒不少燕軍君臣  
之接信於樂毅加以國家爲唇齒之援東西相應首尾如蛇形  
勢重大不比於五國之兵也何憚於彼而不可哉夫兵以奇勝  
制敵以智土地廣狹人馬多少未可偏恃也余觀彼治國之體  
當時既肅整遺教在後及其辭意懇切陳進取之圖忠謀睿睿  
義形於王雖古之管晏何以加之乎

諸葛武侯集卷三

附錄

八

諸葛亮論

晉 袁 宏

或問於袁子諸葛亮何如人也袁子曰張飛關羽與劉備俱起  
爪牙腹心之臣而試人也晚得諸葛亮因以爲佐相而羣臣悅

小爾備足信亮足重故也及其受六尺之孤攝一國之政事凡  
庸之君專權而不失禮行君事而國人不疑如此卽以爲君臣  
百姓之心欣戴之矣行法嚴而國人悅服用民盡其力而下不  
怨及其兵出入如賓行者不寇芻蕘者不獵如在國中其用兵  
也止如山進退如風兵出之日天下震動而人心不憂亮死至  
令數十年國人歌思如周人之思召公也孔子曰雍也可使南  
面諸葛亮有焉又問諸葛亮始出隴右南安天水安定三郡人  
反應之若亮速進則三郡非中國之有也而亮徐行不進旣而  
官兵上隴三郡復安亮無尺寸之功失此機何也袁子曰蜀兵

諸葛武侯集

卷三

附錄

九

輕銳良將少亮始出未知中國疆弱是以疑而嘗之且大會者  
不求近功所以不進也日何以知其疑也袁子曰初出遲重屯  
營重複後轉降未進兵欲戰亮勇而能鬪三郡反而不速應此  
其疑徵也日何以知其勇而能鬪也曰亮之在街亭也前軍大  
破亮屯去數里不救官兵相接又徐行此其勇也亮之行軍安  
靜而堅重安靜則易動堅重則可以進退亮法令明賞罰信士  
卒用命赴險而不顧此所以能鬪也曰亮率數萬之衆其所興  
造若數十萬之功是其奇者也所至營壘井竈閭濶藩籬障塞  
皆應繩墨一月之行去之如始至勞費而徒爲飾好何也袁子

曰蜀人輕銳亮故堅用之曰何以明其然也袁子曰亮治實而不治名志大而所欲遠非求近速者也曰亮好治官府次舍橋梁道路此非急務何也袁子曰小國賢才少故欲其尊嚴也亮之治蜀田疇辟倉廩實器械利蓄積饒朝會不華路無醉人夫本立故末治有餘力而後及小事此所以勸其功也曰子之論諸葛亮則有證也以亮之才而少其功何也袁子曰亮持本者也其於應變則非所長也故不敢用其短曰然則吾子美之何也袁子曰此固賢者之遠矣安可以備體責也夫能知所短而不用此賢者之大也知所短則知所長矣夫前識與言而不中諸葛武侯集卷三附錄十

亮之所不用也此吾之所謂可也

三國名臣贊

晉袁宏

孔明盤桓俟時而動遐想管樂遠明風流治國以禮民無怨聲刑罰不濫沒有餘泣雖古之遺愛何以加茲及夫臨終顧託愛遺作相劉后授之無疑心武侯處之無懼色繼體納之無貳情百姓信之無異辭君臣之際良可詠矣

堂堂孔明基宇宏邈器同生民獨稟先覺標榜風流遠明管樂初九龍盤礴

宗子思甯

控釋褐中林鬱爲時棟

諸葛武侯贊

晉 習鑿齒

昔管仲奪伯氏駢邑三百沒齒無怨言聖人以爲難諸葛武侯之使廖立垂泣李平致死豈徒無怨言而已哉夫水至平而邪者取法鏡至明而醜者亡怒水鏡之所以能窮物而無怨者以其無私也水鏡無私猶以免謗况大人君子懷樂生之心流矜恻之德法行於不可不用刑加乎自犯之罪爵之而非私誅之而不怒天下有不服者乎諸葛武侯於是可謂能用刑矣自秦漢以來未之有也

諸葛武侯宅銘

晉 習鑿齒

諸葛武侯集

卷三

附錄

十一

達人有所振此頽風雕薄蔚采鷗闌唯豐義範蒼生道格時雄自昔爰止於焉盤桓躬耕西畝永嘯東巒迹逸中林神凝巖端罔窺其奧誰測斯歡堂堂偉匠婉翮揚朝傾轂搜寶高羅九霄慶雲集美鸞駕亦招

進諸葛丞相集表

晉 陳壽

臣壽等言臣前任著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮故事亮毗佐危國負阻不賓然猶存錄其言恥善有遺是誠大晉光明至德澤被無疆自古以來未有倫也輒刪除複重隨類相從凡爲二

十四篇篇名如右亮少有逸羣之才英霸之器身長八尺容貌甚偉時人異焉遭漢末擾亂隨叔父玄避難荊州躬耕於野不求聞達時左將軍劉備以亮有殊量乃三顧亮於草廬之中亮深謂備雄姿傑出遂解帶寫誠厚相結納及魏武帝南征荊州劉琮舉州委質而備失勢衆寡無立錐之地亮時年二十七乃建奇策身使孫權求援吳會權既宿服仰備又器亮奇雅甚敬重之卽遣兵三萬人以助備備得用與武帝交戰大破其軍乘勝克捷江南悉平後備又西取益州益州既定以亮爲軍師將軍備稱尊號拜亮爲丞相錄尙書事及備歿沒嗣子幼弱事無巨細亮皆專之於是外連東吳內平南越立法施度整理戎旅工械技巧物究其極科教嚴明賞罰必信無惡不懲無善不顯至於吏不容姦人懷自厲道不拾遺彊不侵弱風化肅然也當此之時亮之素志進欲龍驤虎視包括四海退欲跨凌邊疆震蕩宇內又自以爲無身之日則未有能蹈涉中原抗衡上國者是以用兵不戢屢耀其武然亮才於治戎爲長奇謀爲短理民之幹優於將畧而所與對敵或值人傑加衆寡不侔攻守異體故雖連年動衆未能有克昔蕭何薦韓信管仲舉王子城父皆忒已之長未能兼有也亮之器能政理抑亦管蕭之亞匹也而

諸葛武侯集

卷三

附錄

十二

時之名將無城艾韓信故功業陵遲大義不及邪蓋天命有歸  
不可以智力爭也青龍二年春亮帥衆出武功分兵屯田爲久  
駐之基其秋病卒黎庶追思以爲日實至今梁益之民咨述亮  
者言猶在耳雖甘棠之詠召公鄭人之歌子產無以遠譬也孟  
軻有云以逸道使民雖勞不怨以生道殺人雖死不忿信矣論  
者或怪亮文采不豔而過於丁寧周至臣愚以爲咎繇大賢也  
周公聖人也考之尙書咎繇之謨畧而雅周公之誥煩而悉何  
則咎繇與舜禹共談周公與羣下矢誓故也亮所與言盡衆人  
凡士故其文指不得及遠也然其聲教遺言皆經事綜物公誠  
之心形於文墨足以知其人之意理而有補於當世伏惟陛下  
邁蹤古聖蕩然無忌故雖敵國誹謗之言咸肆其辭而無所革  
諱所以明大通之道也

樂葛優劣論

晉張輔

樂毅諸葛孔明之優劣夫以毅相弱燕合五國之兵以破強齊  
雪君王之恥圍城而不急攻將令道窮而義服此則仁者之師  
莫不謂毅爲優余以五國之兵共伐一齊不足爲強大戰濟西  
伏尸流血不足爲仁夫孔明包文武之德劉玄德以知人之明  
屢造其廬咨以濟世奇策泉涌智謀從橫遂東說孫權北抗大

諸葛武侯集

卷三

附錄

十三

魏以乘勝之師翼佐取蜀及立德臨終禪其大位在擾攘之際  
立童蒙之主設官分職班敘衆才文以甯內武以折衝然後布  
其恩澤於中國之民其行軍也路不拾遺毫毛無犯勳業垂濟  
而隕觀其遺文謀謨宏遠雅規恢廓已有功則讓於下有闕  
則躬自咎見善則遷納諫則改故聲烈振於遐邇也孟子曰聞  
伯夷之風貪夫廉余以爲觀孔明之忠茲臣立節矣殆將與伊  
呂爭儔豈徒樂毅爲伍哉

祭諸葛丞相文

晉李興

永興中鎮南將軍劉宏至隆中觀亮  
故宅立碣表閭命太傅掾李興爲文

諸葛武侯集

卷三

附錄

十四

天子命我於沔之陽聽鼓鞀而永思庶先哲之有光登隆山以  
遠望軾諸葛之故鄉蓋神物應運偉器無方通人靡滯大德不  
常故谷風發而騶虞嘯雲雷升而潛鱗驥擘解褐於三聘尼得  
招而褰裳管豹變於受命貢感激以回莊異徐生之得寶釋卧  
龍於深藏倚劉氏之傾蓋嘉吾子之周行夫有知己之主則有  
竭命之良固所以三分我漢鼎跨帶我邊荒抗衡我北面馳騁  
我魏疆者也英哉吾子獨含天靈豈神之祇豈人之精何思之  
深何德之清異世通夢恨不同生推子八陣不在孫吳木牛之  
奇則亦般模神弩之功一何微妙千井齊整又何秘要昔在顯

天有名無迹孰若吾儕良籌妙畫賊文旣沒以言見稱又未若  
一言行並徵夷吾反垢樂毅不終奚比於爾明哲守冲臨終受  
奇讓過許由負屨莅事民言不流刑中於鄭教美於魯蜀民知  
恥河渭安堵匪暴則伊甯彼管晏豈徒聖宣慷慨屢歎昔爾之  
隱卜惟此宅仁智所處能無規席日居月諸時殞其夕誰能不  
歿貴有道格惟子之勳移風來世詠歌餘典懦夫將厲遐哉邈  
矣厥規卓矣凡若吾子難可究已疇昔之乖萬里殊塗今我來  
思覲爾故墟漢高歸魂於豐沛太公五世而反周想翹翹以髣  
髴冀影響之有餘魂而有靈豈其識諸

諸葛武侯集

卷三

附錄

十五

蜀諸葛丞相祠堂碑

唐裴度

度嘗讀舊史詳求在哲或秉事君之節無開國之才得立身之  
道無治人之術四者備矣兼而行之則蜀丞相諸葛公其人也  
公本系在簡策大名蓋天地不復以云當漢祚衰陵人心競逐  
取威定霸者求賢如不及藏器在身者擇主而後動公是時也  
躬耕南陽自比管樂我未從虎時稱卧龍詩曰潛雖伏矣亦孔  
之昭故州平心與元直神交洎乎三顧而許以驅馳一言而定  
其機勢繇是翼扶劉氏纘承舊服結吳抗魏擁蜀稱漢刑政達  
乎荒外道化行於域中誰謂阻深殷爲強國誰謂廷脆勵爲勁



兵則知地無常形人無常性自我而作若全在鏖故九州之地  
魏有其七我無其一由僻陋而啓雄圖出疆以延大敵財用  
足而不日浚我以生干戈動而不日殘人以逞其底定南方也  
不以力制而取其心服其震諸夏也不敢角其勝負而止候其  
存亡法加於人也雖徙死而無怨德及於人也雖奕葉而見思  
此所謂精義入神自誠而明者矣若其人存其政舉則四海可  
平五服可傾而陳壽之評未極其能事崔浩之說又詰其成功  
此皆以變詐之畧論節制之師以進取之方語化成之道不其  
謬與夫委棄荊州不能遂有三郡此乃務增德以吞宇宙不黷

諸葛武侯集

卷三

附錄

武以爭尋常及出斜谷據武功分兵屯田爲久駐之計與敵對  
壘待可勝之期雜乎居人如適虛邑彼則畏氣我方養威若天  
假之年則繼大漢之祀成先王之志不難矣且權傾一國聲震  
八紘而上下無異詞始終無愧色苟非運膺五百道冠生知曷  
以臻於此乎故立德知人之明者倚仗曰思之有水仲達姦人  
之雄者嗟稱曰天下奇才度每迹其行事度其遠心願奮短札  
以排羣議而文字蚩鄙志願未果元和二年冬十月聖上以西  
南奧區寇亂餘烈罷毗未息汗俗未清輟我股肱爲之父母乃  
詔相國公高秉鈞之重乘推轂之寄八軒乃降藩服乃理

將明帝道陬落綏懷薄暢仁風閭閻滋殖府中無留事宇下無  
棄財人知嚮方我有餘地則諸葛公在昔之治與相國當今之  
政異代尚同法矣度謬以庸薄獲參管地皆新流而爰止望祠  
而修祠等向象以赫厥靈雖微烈不忘而禮表末立古者  
或奉祭香或師長一城尚流斯文以示來裔况祠在之歎終  
古不滅其靈闕乎乃刻貞石於此都之人存必拜之感云爾銘

諸葛武侯集

卷三

附錄

七

昔在先王思啓疆宇擾攘靡依英雄無輔爰得武侯先定蜀土  
道德埒池禮義千楹煦物如春化人如神勞而不怨用之有倫  
柔服蠻落鋪最潤濟攝跡畏威雜居懷仁中原肝食不測不克  
以待可勝允孫其極天末悔禍公命不果誤禘其亡將星中墮  
反旗鳴鼓猶走司馬死而可作當小天下小同文作周阿衡佐商  
兼齊管晏總漢蕭張易代而生易地而理通迥遇豐約亦皆然矣  
嗚呼奇詠奮發美志天邊吁嗟嚴立感受論語罰聞之痛之或泣  
或絕甘棠勿草讎邑斯壽錄是而言殊途共轍本於忠恕孰不  
感悅苟非誠慝徒云罔結古栢森森遺廟沉沉不殄禋祀以迄  
於今靡不馳奔若有照臨蜀國之風蜀人之心錦江清波玉壘  
峻岑入海際天如公德音

漢代之季天下不得不三分蓋有繇矣曹氏挾王室之威重孫氏藉父兄之餘業劉氏獨不階尺土開國於亡命行旅之間天贊一武侯卽鼎足之勢均也公諱某字某身長八尺嘗躬耕隴畝好爲梁甫吟雖經綸之才隱括未用而寥廓之志舉措輒形既先主扶世奠民渴明智用謀之佐致三顧見咨當代之畧公於是輕重中夏揣摩全吳定王業於胸心決神機於掌握繇是身爲先主所起計爲先主所用自北徂南周爰執事夷險平亂靡所不之卒使劉氏以岷峨之地爲已封梁益之人爲已蓄曹

諸葛武侯集卷三

附錄

六

操不敢以兵強驟進孫權不敢以境闢妄動彼相之力焉屬先主創業未半中道而歿遺詔邦家之事大錄於公勅後主事公如事父至於職爲臣行令如君其名近嫌也位爲君事臣如父其形近猜也昔周公賦鳴鴉之詩成王啓金縢之誥此雖小大有異託付不殊竟能上不生疑心下不興流言苟非誠信結於人格於神移於物則莫能至是公復總戎仗律無歲不征將繼舊邦之業用復先君之命所以南擒孟獲而不殺志在綏戎狄矣兩拔祁山而不賀志在吞河洛矣役木牛流馬濟人之力已紓矣制陣圖兵法敵國之軍可翫矣故得三關不封二邦喪氣

大勳未集行師而殞戎狄野祀毗庶卷祭遺象所使豈求

之噫國之將亡木必先顛且以蜀之連山峻極其險不爲公死而平沃土富饒其利不爲公死而薄甲兵士卒其衆不爲公死而滅府藏穀帛其富不爲公死而貧及鄧艾揚聲於前鍾會躡跡於後滅蜀三十萬戶如撓羊羣劉禪竟不免面縛壘門身爲降王天事與人事遠吾不知之矣以人事而論傅武侯常存隱若一敵國勝於本朝百萬之師北向爭衡司馬懿惕息而不敢戰足明中原非曹氏所有也舉其大畧眞命世之雄未可以身許小國之君延霸王之佐因日才有所詣不逮前賢向

諸葛武侯集

卷三

附錄

十九

令伊呂並世而生殷周易地而處則太甲不放桐宮而四海咸理諸侯不誓孟津而天下太定但爲天不假年忠蓋莫就生居於後功績在其下耳然非先王之識武侯或不能輔成於王業使百代令君用人必繇此道設使社稷不振賢智逃於藪澤其可得邪公死之日遺令葬漢中定軍山前祭法曰法施於民以死勤事以勞定國則祀之至今官書廟食成不刊之典一山之內每有風行草動壯帶威神若歲大旱邦人禱之能爲雲爲雨是謂存與没人皆福利生死古今一矣死而不朽反貴於生銘曰漢室大壞掃地無依人心各動天命未歸角力爭衡有翼者

飛突兀卧龍吟嘯待時一論世事超拜軍師魚水相得生死以  
之仗順收兵行權畧地氣蓋全吳胸吞大魏國政成三人臣莫  
二乃建社稷興王之氣既得武侯馳迤魏都敵國未滅謀臣已  
殞大本去矣不亡得乎荒墳四頽拱木皆枯尙餘精爽能禁樵  
蘇人生異代仰止山隅

刻武侯碑陰

唐孫樵

赤帝子火熾四百年天厭其熱洎獻燼矣武侯獨不憤不顧收  
死灰於蜀欲嘘而再燃之艱乎爲力哉是以四稱武侯雍閬地  
不尺闔抑非智不周天意炳炳然也夫以武侯之賢甯靡壽其

諸葛武侯集

卷三

附錄

三

不可也蓋激備隆中天下有託不欲曲肱安穀終見女子手將  
驅馳死備志邪繇是覈武侯之所爲殆庶幾矣然跨西南一隅  
與吳魏抗國提卒數萬綽綽乎去留無我枝者是於善爲兵矣  
史壽以爲短應變眞抑武侯哉俾武侯不早入地曹之君臣將  
犇走固圉之不暇鍾鄧甯能越巖懸兵決勝指取邪是井絡之  
野與武侯存亡俱矣天殲武侯其不愛劉愈明白其姜維何力  
焉曩蟠南陽時人不與仲毅伍洎受社稷寄擅刑賞柄會心不  
愧畏人不疑曠何其意氣明信卓卓也武侯死五百載迄今梁  
漢之民歌道遺烈廟而祭者如在其愛於民如此而久也獨謂

武侯之治比於燕夷彼屠齊城合諸侯在下矣

武侯廟古栢銘

唐 段文昌

是草木有異於草木則靈武侯祠前栢壽千齡盤根擁門勢如龍形舍碧太空散霧虛庭合抱在於旁棧駢梢葉之青青百尋及於半身蓄風雷之冥冥攢柯垂陰分翠間明忽如虬螭向空爭行上承翔雲孤鸞時鳴下蔭芳苔凡草不生占絕天風蒼蒼泠泠曾到靈山老栢縱橫亦有大者莫之與京於惟武侯佐蜀有程神其不昏表此爲禎斯廟斯栢實播芳馨

諸葛武侯論

宋 張 枋

諸葛武侯集

卷三

附錄

三

諸葛武侯左右昭烈父子立國於蜀明討賊之義不以強弱利害二其心蓋凜凜乎三代之佐也侯之言曰漢賊不兩立王業不偏安又曰臣鞠躬盡力死而後已至於成敗利鈍非臣之明所能逆睹嗟乎誦味斯言則侯之心可見矣雖不幸功業未究中道而隕然其扶皇極正人心挽回先王仁義之風垂之萬世與日月同其光明也夫有天地則有三綱中國之所以異於殊方人類之所以別於庶物者以是故耳若汨於利害之中而亡夫天理之正則雖有天下不能一朝居此侯所以不敢斯須而忘討賊之義盡其心力至死不悔者也方天下雲擾之初侯獨

高卧昭烈以帝室之胄三顧其廬而後起從之則夫出處之際  
固已有大過人者其治國立綱陳紀而不爲近圖其用兵正義  
明律而不以詭計凡其所爲悉本大公會無纖毫姑息之義類  
皆非後世所可及至讀其將沒自表之辭則知天下物欲舉不  
足以動之所養者深則所發者大理固然也會子曰士不可以  
不宏毅若侯者其所謂宏且毅者與孟子曰富貴不能淫貧賤  
不能移威武不能屈此之謂大丈夫若侯者所謂大丈夫非邪

諸葛武侯像贊

宋張栻

惟忠武侯識其大者仗義履仁卓然不捨方卧南陽若將終身

諸葛武侯集

卷三

附錄

三

三顧而起時哉屈伸難平者事不昧者機大綱旣得萬目乃隨  
我奉天討不震不竦惟一其心而以時動噫侯此心萬世不泯  
遺像有嚴瞻者起敬

諸葛武侯論

宋朱熹

或論孔明事以爲天民之未粹者此論甚當故其出師祁山三  
郡響應卽不能守而歸不知魏人復取三郡必斃首事者墳墓  
矣此孔明之所不忍也故其言曰國家威力未舉使赤子困於  
豺狼之吻蓋傷此耳此見古人忠誠仁愛之心招徠懷附之畧  
恐未必如或者之論也又曰子房用智之過有微近譎處小者

如躡足之類其大則挾漢以爲韓而終身不以誣人也若武侯名義俱正無所隱匿其爲漢復讐之志如青天白日人人得而知之有補於天下後世非子房比也

諸葛武侯論

宋陳亮

孔明伊周之徒而論者多異說以其適時之難而處英雄之不幸也夫衆人皆進而我獨退雍容草廬三顧後起挺身託孤不放不攝權偪人主而上不疑勢傾羣臣而下不忌厲精治蜀風化肅然宥過無大刑故無小帝者之政也以佚道使人雖勞不怨以生道殺人雖死不怨殺者王者之事也孔明皆優爲之信

諸葛武侯集

卷三

附錄

三

其爲伊周之徒也而論者乃謂其自比管樂委身偏方特霸者之臣是何足與論孔子之仕魯與自比老彭哉

武侯北伐論

宋陳亮

英雄之士能爲智者之所不能爲則其未及爲者蓋不可以常理論也騏驥之馬足如奔風升高不軒履溼不濡度山越塹瞬息千里而適值一馬蓋亦能然則雖有此駿而不足以勝之於是駕輕車鳴和鸞步驟中度緩急中節鏘鏘乎道路之間能行千里而能不行雖無一時之駿而久則有萬全之功何者吾垂其所能而出其所不能可以扼其喉而奪之氣也且譎詐無守



術畧橫出智者之能也去詭詐而示以大義置術畧而臨以正  
兵此英雄之事而智者不能爲矣故夫譎詐者司馬仲達之所  
長也使孔明而出於此則是以智攻智以勇擊勇而勝負之數  
未可判孰若以正而攻智以義而擊勇何必求近效哉夫仲達  
出奇制勝變化如神天下莫不憚之孔明以步卒十餘萬西行  
千里求與之戰而仲達以勁騎三十萬僅能自守來不敢敵去  
不敢追賈詡等常逼之戰兵交卽敗不敢復出姑以待斃爲名  
而其爲計者不過日夕望其死而無他術也彼豈孔明敵哉論  
者以孔明制戎長奇謀短雖知者亦以爲知其短而不用吾獨  
謂其能爲而能不爲將以乖仲達之所能而出其所不能也故  
吾嘗論孔明而無死則仲達敗關中平魏可舉吳可并禮樂可  
興而天不相蜀孔明早喪天下猶未能一况禮樂乎使後世妄  
儒得各肆所見以議孔明天也非人也

諸葛武侯集

卷三

附錄

三五

武侯親賢遠佞論

宋 眞德秀

孔明陳疏於君子小人之際猶致意焉其後孔明旣沒而公瑾  
文禕諸賢相繼任政蜀賴以安此親君子之效也三賢旣沒而  
黃皓以嬖倖用事蜀遂以亡此親小人之效也孔明知後主有  
桓靈之資故豫陳之以爲殷鑒其言至深切也禕乃忽而不省

重修先王武侯君臣合祀記

宋任淵

智力之不勝義也久矣昔自英雄豪傑乘時崛起有能仗義而行指麾號令天下從之雖其不幸不克大有所成就而後人尊仰而懷思之非以義勝者與東漢之季曹氏怙姦賊之畧以植中原孫氏席父兄之資以據江左皆矜尚智力求所非望非有志於王室也惟蜀先王昭烈帝崎嶇奔走經理四方最後伐劉璋遂有蜀漢蓋將憑藉高祖興王之地建立本基以紹復漢家大業其理順其辭直非若孫曹之自爲謀也當是時丞相忠武

諸葛武侯集

卷二

附錄

十五

諸葛侯實左右之應變機權本於道德內修綜核之政外舉節制之師欲以攘除姦凶混一區宇不負其君負託之意可謂社稷臣矣雖厄於運數屈於遠圖而後世有讀其遺書過其陵廟者未嘗不咨嗟流涕也成都南三里曰惠陵者實昭烈弓劍所藏地有廟在其東大殿南向昭烈弁冕臨之東夾室以祔後王而西徧少南有忠武侯廟老柏參天氣象甚古廟久不治風雨摧剝殿廡門牆率皆頽圯像設僅存至或露處紹興二十有八年秋蜀當謀帥得中書舍人王公命以龍圖閣待制出鎮成都公至謁諸祠太息曰有大功德於蜀人宜莫若昭烈忠武廟貌

乃爾亦獨何心亟命石司繕治之雖爲因舊起廢實再造也祠與惠陵皆護以垣墉禁樵牧蓋舊所無也旣成命淵記之淵不敏蓋嘗妄論王霸之說以爲義近王智力近霸竊觀昭烈忠武所爲非深於王道未易明其心於千載上也今公嘗過公孫述廟笑唾不顧至劉蜀君臣嚴事之如此意固有在非特以欽崇秩祀爲牧守之所當先也

淮陰武侯辨

宋 劉安世

淮陰武侯二人不同若論人品淮陰不及武侯遠甚論功業武侯何寥寥也淮陰有乞食胯下之辱武侯隱隆中當時謂之卧龍淮陰旣從項梁又事項羽又歸漢武侯必待三顧而後起楚漢用兵皆非淮陰敵而又常輕易之三國司馬輩用兵皆武侯等又素畏之如虎故功業不同也

移建武侯祠記

宋 王十朋

武侯故祠在州之南門沿城而西三十六步無斷碑遺刻以考其歲月之始見於圖經者畧焉在隋唐時治白帝史載少陵詩曰西郊諸葛廟者其地於茲乎十朋莅事之初謁焉徘徊四顧敬想風烈歎廟貌之不稱它事未遑也首葺而新之且書其事於石矣然地卑且隘混以民居汙渠糞壤溷乎其間臭朽之所

諸葛武侯集

卷三

附錄

三

蒸蝸蝨之所家非所以妥靈而崇祠也門之東去祿六百八十五步城有臺下臨八陣圖登臺而望則常山之蛇回頭銜尾之勢宛其在目北直郡倉倉故永安宮地據爽塏狀如屏宮之北有水曰清瀼瀼出乎兩山之間東入於江又東過灑灑入於峽峽口有山卓然立乎羣峰之外者白鹽也可謂江山之勝矣侯昔經營天下於平沙之上輸忠盡誠受遺立孤於是宮之中江洶洶而石如故宮闕廢而地猶存陵谷雖變而精神不亡宜於兩者之間祠之亦侯志也遂謀而遷焉地初爲節度推官宅在於它所因其址築而高之用其材斲而新之爲堂五楹廡萬椽

諸葛武侯集卷三

附錄

三七

南門於臺又門於西通往來之道像仍其舊新厥丹青冕服用侯又塑關張像翼於左右故祠以婦配非禮也別爲室以奉之書史傳於壁之左而削其不公之論書少陵詩於壁之右以諸作者詩文次之乾道三年四月壬午告成詞曰

白鹽峙天兮灑灑屹江風雲慘澹兮翺翔卧龍龍千秋兮何之新廟貌兮江之湄前八陣兮後故宮龍兮龍兮神其中望昭烈兮隔清瀼遺廟存兮交精神於恍惚駕虛空兮雲爲馭臣東朝兮至西顧魚得水而相忘兮事無今古儼關張於左右兮一龍二虎祠有新故兮侯無重輕舍其故而新是卜兮邦人之精祠

合於圖分自今始事祀不絕兮有如此水

謁武侯廟文

宋 王十朋

丞相忠武蜀之伊呂高卧南陽悲吟梁甫草廬之中三顧先主  
將漢是興非劉曷與君臣魚水蛟龍雲雨才十曹丕志小寰宇  
假令無死師一再舉吳魏可吞禮樂可許甯使英雄墮淚今古  
將畧非長庸史之言某受命天子來帥茲土夔觀八陣果至夔  
府廟貌僅存風流可觀旁有關張一龍二虎安得斯人以消外  
侮

諸葛武侯論

宋 胡寅

諸葛武侯集

卷三

附錄

三

三國人材之盛後世鮮及然諸葛孔明則高邁獨出眉山蘇子  
以爲巍然三代之佐末易以私論斯言當矣孔明可亞於伊傅  
而以管樂自許謙志也才與仲父等而德則過之或曰方諸子  
房何如曰是殆難以優劣論也然志士尙友願希孔明而未必  
爲子房此可爲智者道耳君子有言劉備敏於曹操世多未喻  
愚謂英雄豪傑周遊中土莫不以人才爲急務曹操下荊州所  
得者韓嵩蒯越和洽王粲之徒而天下第一流乃爲立德所有  
吳魏諸臣無能與對備敏於操殆是謂邪

武侯不出襄中論

宋 胡寅

兵行詭道求勝而已延之計可用甚明而孔明不從或謂孔明長於治國而短於將畧或謂孔明疑延不敢委也是皆不然曹操既死天下無孔明對使天而昌漢則孔明由斜谷出自是擒敵而鹹懿矣魏延行險以僥倖者也孔明節制之師其止如山其進退如風何以僥倖爲以此一事觀之使孔明從漢高入關則與秦將連和啗之以利因其懈怠而擊之之事必不爲矣此可爲明道正誼者言之非急於近功小利之人所能解也

諸葛孔明贊

宋 胡寅

孔明一代之英遠謀宏議無一不售者至其自明之語曰謹慎

諸葛武侯集

卷三

附錄

三九

而已何其約也詩不云乎惟此文王小心翼翼昭事上帝聿懷多福若亮者有文王之小心矣彼劉禪庸庸何足以當元臣如此其敬而孔明事之靡不盡道握司魁柄總御六師而無專意恣行毫末可指者非盛德孰能臻此使曹操如聞孔明事幼主之規得不羞愧而入地乎

武侯受遺命贊

宋 郭大有

自古顧命未有若季漢君臣者昭烈之言有堯舜揖遜之氣象孔明之對有伊周篤棊之忠愛其得人託孤之寄得君委任之專與日月爭光可也

竊謂周道既衰孔子作春秋而萬世君臣之法定曹操篡竊羣  
雄並起而爭之春秋幾廢先主揭大義發大號再造劉氏侯首  
稱漢賊不兩立王業不偏安關百折期復漢祚春秋之義煥  
然復明至今三尺之童猶知賊曹而帝漢者侯之功也傳曰有  
功於民則祀之侯之功萬世之功也於祀爲宜祀於其居爲尤  
宜嗚呼我朝聖祖神孫武定文承薄海內外罔不臣妾諸學子  
以及有位之人師聖人之道仰大賢之業夙興夜寐可不思廟  
學之所以建聖天子之所以命豈徒誇前人聳後觀哉所以教  
諸葛武侯集卷三附錄  
三十一

天下知爲君臣之道也

武侯知相體論

元吳澄

開誠心布公道集衆思廣忠益謂有忠慮於國但勤攻吾之闕  
漢丞相諸葛忠武侯語也可以爲萬世相天下者之法矣孔明  
豈不知爲相之體哉於主簿楊顛之諫也生旣謝之死又哀之  
孔明豈不知其言之忠哉然而罰二十以上皆親覽食少事繁  
至爲敵國所窺而慶幸其不久孔明豈不知愛重其身哉其言  
是者何也嗚呼是未可以常情度淺識議也夫知相之體而未  
免自勞知言之忠而未見樂取知一身繫國之存亡而竟取敵

國慶幸之計苟非甚愚者或有所不爲而謂蓋世絕人之智者爲之乎子故曰是未可以常情度淺識議也且當時事勢何如邪以一木支大廈之傾事君而致其身盡瘁於國違恤其他夫豈可已而不已者楊暉之諫謂之愛孔明則可謂之知孔明則未也杜子美詩字字有意細味之庶乎知孔明之心而豈常情淺識之所能測度擬議者哉

孔明比管樂論

元楊維禎

孔明躬耕南陽時嘗自比管仲樂毅人固謂其大言夸世以余觀之其才業則過於管樂焉夫齊桓燕昭皆已定其國數年而

諸葛武侯集

卷三

附錄

三十一

後管樂爲之將相管因人心之慕周惡楚也而爲尊王攘夷之舉樂因齊潛王之昏亂也而破其七十餘城此其時勢皆易爲者至於昭烈雖漢室之胄而實無一民尺土人心天命去漢久矣魏吳皆已立國而昭烈棲棲皇皇於其間特一旅人耳其時勢皆不可爲而孔明以蓋世之雄才偉畧乃爲取荆益而圖之南平蠻裔北討魏賊虎視龍驤直欲混一四海而復四百年之宗社此猶築斷隍而城之吹死灰而燃之也若管樂則猶增城陣熾火焰耳且楚成不雄於曹操田單智力不強於司馬懿也管不能責楚僭王之罪而孔明能指操爲賊聲其罪而討焉



樂爲田單所困而孔明於懿生能辱以巾幗死猶走之其才良過於二子而自以爲比者非謙言也邪陳壽因而評之非其實矣

八陣圖賦

元 楊維禎

遐哉邈乎蠶叢故墟劍閣崢嶸兮石棧縈紆車不得而運兮馬不得以驅非王業之所基兮徒抗險乎中都帝中山之芻裔兮迺猶厄此斗隅黃星射乎宋野兮強獠狃乎江之東偉伏龍之感激兮起左顧乎隆中允識時之俊傑兮吞餘子於一空圖八陣以用武兮必先天而獨得六十四之成算兮本馬圖之全畫

諸葛武侯集

卷三

附錄

三

三十二之岐分兮妙陰陽之互宅天衝地軸兮風雲盤辟龍飛鳥逝兮蛇蟠虎翼撓之無跡兮運之無方進退不愆兮出沒靡常奇不失於正正兮怪不越於堂堂伏至動於至靜兮寓能柔於能剛喻以常山之蛇勢兮會未測其望洋巴之水兮砮崖折壁峽之濤兮風霆礚礚使箕張而翼布兮會不轉其礪石非神物之陰衛兮孰萬夫之捍力想貔貅之對壘兮指白羽之一麾運縱擒於掌握兮算不出於八奇賊之望而走兮甘巾幗之受雖按涓濱之所屯兮實鼎國之王師自風后之有圖兮肆獯蚩之赫伐逮尙父之六韜兮佐牧野之黃鉞孫吳馬之剽掠兮徒

生靈之肉血鄙敗事於腐儒兮彼譙生其又何法茲八陣之猶  
覺兮軼軒皇與天老曰流馬與木牛兮又神機之所造歟中營  
之告變兮哀夫人之奪蚤訖黃芒以當天兮掩炎精之皜皜嗚  
呼西望岷峨兮南泝錦江山川相繆兮地老天荒歌梁甫兮颺  
吾觴招謫仙兮呼子長訪魚復之沙磧兮弔新都之戰場雖武  
無用於今之時兮亦以發吾文之氣剛

渡瀘賦

明何景明

晨瞻崇邱鬱乎相袞扇以水峽隱以大洲沙莽寒日江深夕流  
蓋將濟於瀘水榜人告予以理舟沿洪濤以直度迎迴波於上

諸葛武侯集

卷三

附錄

三五

游顧中原而緬邈久西域以滯留感逆旅之長勤懷古人而增  
憂想夫漢炎旣燼蜀都始家區土未闢士馬不加深入五溪橫  
制三巴冒險通塞柔邇來遐收羌髡以帶甲率庸廬而習戎今  
其斷岸遺津寂寥水崖苦霧縈石悲風振沙音塵淪絕今古長  
嗟歎餘風兮莫覩幸故址兮重過側身西望形勢蒼蒼襟夔府  
而控荆門峙巫峽而流瞿塘簡書零落陣圖縱橫烟積下月陰  
岸積霜風雲慘而猶憤魚鳥畏而將翔南瞻祠廟巍兮敞宏松  
栢蔭戶丹青闕宮羌戎禮像而崩角士民醜酒而獻衷然而垣  
窟林蔓塔卷寒蓬亦徒噓吁父老涕淚英雄而已嗚呼當其三

顧之後受遺之餘誓殲蝥螘以報水魚思中興之偉烈恥偏安  
於一隅業已折司馬之牙角涉魏氏之郊墟何遂違其厥志竟  
勿騁其長驅吾哀斯人遭時不淑赤星投營蜀氓巷哭瀘水之  
歸露布盈幅祁山之出紉謳入谷何先後之頓殊遭漢家之百  
六嗟哉天道高不可摩既促公算難揮魯戈矢鞠躬兮躬殞縱  
貞忠其若何泛泛吾舟載揚其波臙彼清潯陟彼中阿無人可  
邀聊獨行歌歌曰朔風起兮瀘水寒扣楫中流兮懷昔賢遇非  
其時兮良獨艱嗟嗟遇非其時兮良獨艱

祭昭烈忠武君臣文

明蜀獻王

諸葛武侯集

卷三

附錄

三

龍興雲從君明臣良曠千載而一遇何會合之不常曰若稽古  
實惟成湯三聘莘野承筐是將咸有一德革夏爲商歷嬴秦而  
兩漢孰能襲其遺芳偉中山之帝胄當羣雄之擾攘嘘炎燄於  
寒灰時三顧於南陽情交懽於魚水言靡間於關張保岷峨控  
荆湘三分天下開拓封疆信同心而協力視當代而有光予丕  
仰於休風幸開國於是邦觀闕宮之頽圯歎古栢之荒涼侷我  
將士繚以垣牆屹棟宇之崔嵬煥丹青之焜煌新規模於今日  
聚精神於一堂告厥成功我心孔臧遣官致祭醴酒刲羊惟帝  
與侯神其洋洋佑我蜀民降福穰穰

諸葛武侯論

明宋濂

三代而下有合於先王之道者孔明一人耳其師以正動義也委身事君忠也開誠布公信也御衆以嚴智也其功之不能成天也議者則謂其應變將畧非其所長又謂其出師不攻瑕而攻堅一出師乃與魏氏角其亡則宜又謂其仁義詐力祿用以取天下所以失之是皆以權謀術數待孔明而孔明明白正大之心初未嘗知之也若三者之議真蛇鼠之見哉

武侯屯五丈原論

明宋濂

凡兵之爲道好高而惡下貴陽而賤陰故營軍於山者必依山

諸葛武侯集

卷三

附錄

三五

絕谷視坐處高孔明五丈原之屯高平廣大守不可攻而攻不可取進不可禦而退不可追所謂先據不可勝之地以示敵之可勝者也懿實畏孔明屯五丈原又憚於逆擊故爲譎語以安其下若果曰無事何爲受巾幘之辱而不敢出兵逆戰也與

蜀漢本末序

明方孝孺

事固有晦塞於一時而較著於後世者時之人以爲貴後之論者或賤之私媚者之所毀大賢君子或尊之蓋愛惡取舍出乎恒情者或汨於流俗之見或眩於強弱之勢或以事功成敗爲賢否是以往往不能合乎大公及夫時世遠而愛惡銷大賢君

子作而正論起鄙夫憚人卑陋鬼瑣之說譬如白日出而魑魅  
亡嚴霜降而蟲虺蝥自無所容於天地之間而是非正僞粲然  
昭布於萬世是豈人爲也哉斯理之在人心窮宇宙而不可磨  
滅者天之道也天道必久而後定固有必然者矣當東漢之季  
曹操以螟螣之智陰賊國命而竊其權默授其子俾行僭奪其  
爲事至穢其爲跡至暴當是之時昭烈孔明以雄才大義引既  
絕之緒而續之有汎掃海宇攘除姦凶之心使漢祚未訖昭烈  
優於光武而孔明之英傑豈止致至於二漢之隆而已哉固將  
紹三代遺統巍乎軼出百王之表而未知所止也彼陳壽不足

諸葛武侯集

卷三

附錄

三

以識之顧扶彼而抑此義夫志士爲之憤鬱者數百歲及子朱  
子出而筆削綱目之書然後有以合乎天道而當乎人心正統  
尊而僭亂詘有功於人極甚大近世信都趙氏復因之而取自  
昭烈之生至於帝禪之亡若十年之事廣其未備之文參其至  
當之論別爲一書曰蜀漢本末而朱子綱目之旨至是愈白於  
後世蜀王殿下撫國之暇覽而悅之命重刻之以示學者而俾  
臣序其意夫昭烈之仁厚孔明之忠順固可以爲君臣師表而  
蔣琬費禕董允之治國關張趙馬之用兵與夫諸葛氏之有瞻  
尙關氏之有夔張氏趙氏之有遵暨廣推其所繇來昭烈孔明

之事蓋有出乎區區功業之外成敗之表者非王之信古知道樂善不倦其孰能知之深而愛之篤也哉

諸葛丞相論

明方孝孺

以庸常之人而問於賢人君子者人之情也以賢人君子而求所不及於庸常之人此非人之恒情而君子之盛節也爲天下之大事者必力行乎衆人之所難勉使所爲果有服乎天下然後可以驅馳籠絡天下之士而用之苟無以大異乎衆人則爲人役之不暇何暇用天下之士哉諸葛孔明以布衣至於爲相而人不以爲速以討賊爲已任而不任將帥人不以爲自用兵

諸葛武侯集

卷三

附錄

三七

敗而功不成人不以爲無勇斷一國之政賞罰子奪無所貸人不以爲專世皆謂孔明智之可以服人而不知自肆其才智而取諸人此孔明之所以服人也三國人才吳爲衆魏次之漢又次之然漢之孔明吳魏司馬周魯張陸之徒皆不能及當是之時天下一孔明耳而無所與讓及其爲相顧乃深有資於僚佐而懇懇求忠益之言以孔明之賢豈待乎僚佐之益舉全蜀之士豈復有出於孔明智慮之右者乎賢人君子之用心也遠而期望也大嘗自見其不足而不見其有餘常恐已闕之不聞而不敢謂人言爲不可惟不自恃其才智也故能用舉世之才

智苟露其才智與人角錙銖分寸以求勝則有才智者皆吾敵也吾安得而用之孔明之爲相歆然虛已以求聞已之過秦漢以下爲相者皆不及也而陳壽之徒比之爲蕭何豈不辱孔明也哉

諸葛武侯贊

明方孝孺

漢治任法難乎大臣惟忠武公千載一人綜覈萬變以義而動虎躍龍驤天下震恐極其智能亂不足平天實厄之大勳無成成敗紛然處之甚暇論其所存伊呂流亞古學不傳士氣益卑公心不亡百世之師

諸葛武侯集

卷三

附錄

三八

重修武侯祠堂記

明李東陽

君子之用世必心存乎正則其猷爲功業光明俊偉天下信之後世知之苟所存不正則其所爲雖偶合幸中而疵類罅漏掩匿之不暇縱使欺於一人不能逃乎萬人之目誑於一時不能免於萬世之口此諸葛武侯之忠所以通天地貫金石歷今古而猶存也昔公當漢祚傾危之日雖在猷畝而扶顛撥亂已預定乎胸中顧以獻帝之身方墮於曹賊之手失國寄命無復有可爲之勢帝胄之賢無出昭烈右者故委身而從之當是時苟可以存漢雖萬乘有不暇顧一劉璋宜無足恤璋固擁兵坐視

遣使致敬於賊者也及魏丕篡立昭烈顧命侯益自奮激佐庸  
主而不墮其志累蹶累進斃而後已是其心始終存沒無一日  
不在漢也可謂正矣若泣廖立死李嚴屈司馬懿而不敢動者  
豈獨其摧強制勝之力邪亦平生忠義激發而讐伏之耳彼荀  
彧者以溝瀆之經爲成仁取義之舉雖幸免涑水之論而竟黜  
於考亭之筆豈非自失其正以貽天下後世之議哉或不足道  
也以張子房之忠報韓扶漢世所並稱然究其心亦不免以術  
濟正未若侯之純乎正也程子謂其有王佐之心者其以是夫  
故後之學者當以侯爲正南陽府城西五里卧龍岡爲草廬舊  
諸葛武侯集卷三附錄  
三九

趾元建祠祀侯又置書院設山長聚徒講學給田數百頃國初  
祠燬宣德間知府陳正倫陳梯相繼修葺歲以八月二十八日  
爲侯忌辰而致祭焉

武侯戮馬謖論

明李東陽

或以侯之戮謖方之郭汾陽爲不及史抗等違渾城之令而卒  
赦城以收功子曰否謖不戮則將帥不用命而王雙張郃之首  
不可斬武都陰平之地不可拔且侯能泣廖立李平於身沒之  
後謖之見戮容復有餘憾若汾陽之敗罪由史抗城又必可收  
功者此乃一時之事不可以爲法也



古今相業如伊尹周公尙矣其後無如武侯雖三分鼎足難與  
殷周比隆而干載之下邇其事功則與伊周無異余曩役楚道  
經龍岡白水之墟謁侯祠未有言也明年癸丑來守此邦仰止  
高風有可闢揚其梗概者侯生於漢末羣雄並起侯躬耕南陽  
不求聞達迨立德以中山靖王之裔藉司馬德操之鑑顧侯於  
草廬之中諮詢時務於是葦爾孤窮跨荆襄王漢中七擒而天  
威著六出而奇才服蜀之虎卽岡之龍也開誠心布公道盡忠  
益善無微而不褒惡無細而不貶侯之作相然矣尤不可及者  
小心謹慎夙夜憂勤受命以來惟恐付託未効出師二表如揭  
日月而行中天忠貞昭格簡在帝心與負辰臨朝徙桐遷義直  
精契而神孚焉惜天不祚漢侯乃告終王業偏安僅紹正統時  
也數也侯之所能者人而不能必者天也予不敏又有覃懷  
之命再拜龍岡用勒斯言侯其式憑之

重修武侯祠記

明王直

南陽郡城西有阜隆然而起曰卧龍岡漢諸葛武侯嘗居於此  
故卽其地建祠祀焉元至大中河南行省平章政事何瑋行節  
謁祠下病其狹乃下有司曠而祠之東建書院以設官養士事

聞於朝賜名曰武侯之祠世移歲久祠雖幸存日就頽毀洪熙元年五月太守陳君正倫始至謁而周視祠宇蕭然不蔽風雨退而歎曰侯之德業在天下當百世祀之况其所居之地乎今祠如此何足以竭虔妥靈乃於農隙伐材命工撤而新之以八月二十八日告祠以落其成率郡縣僚屬奉少牢致祭拜跪有位薦奠有所進退周旋克中儀度郡之人士皆欣然稱歎曰陳公爲此其可謂尙德之君子矣因請予記以維持之予謂先王之道以明倫爲本周衰王者之迹熄至秦極矣漢興學者復得聞先王之說至光武明章其道庶幾明矣士之出於其時者皆

諸葛武侯集

卷三

附錄

十一

秉禮義狗名節綱常之際截乎不敢紊也降及靈獻大盜繼起建安以來曹氏最爲雄盛逞其詐力以誘脅天下豪傑之士莫不折而從之其所圖者皆僭竊暴悖之事逮華歆之志得李伏之說行而三綱絕矣當是時莫有非之者雖吳國多才亦委曲順從之不暇是天下之人皆淪於逆理亂常之規獨侯奮勵圖復漢室毅然以誅曹爲心出師三表正名定分凜乎王者之師使天下之人曉然知曹氏爲賊綱常之道賴以不泯後之君子因是以正誼明道以扶世立教則侯之功大矣豈特與勞定國死勤事禦大災捍大患者比與雖百世祀之可也且嘗遊處乎

此神之所顧懷民之所向慕焄蒿悽愴如或見之則嚴祀之以示教焉蓋宜矣今之爲郡縣者於有司之事部使者之督責尙勉勉焉有未至若先聖之祀學校之政亦有怠而廢者其能崇先賢以儀後進若正倫者誠所謂尙德者哉正倫廬陵人繇監察御史至今官

新都縣八陣圖記

明楊慎

諸葛武侯八陣圖在蜀者二一在夔州之永安宮一在新都之彌牟鎮在夔者蓋侯從先主伐吳防守江路行營布伍之遺制新都爲成都近郊則其恒所講武之場也武侯之人品事業前

諸葛武侯集

卷三

附錄

三

哲論之極詳不復剿同其說獨其八陣有重可嘔者史謂侯推演兵法作爲八陣咸得其要自今行師更不覆敗其深識兵機者不能洞了蓋勝之於多算而出之於萬全非借一於背城而僥倖於深入也惜乎其方銳意以向中原而溪蠻洞獠左跳右跋以裂其勢外寇方殷內境自憊使夫八陣之妙不得加於二曹三馬之梟敵而乃止試於七縱七擒之孟獲天威神算不騁於中原王者之區宇而僅以服南中巴剽之偏方事機旣已遲精力又已虧勇賈其餘師用其分以爲大舉譬之逐盜救火之家挺刃決水猶恐不及而內有讐賊自相乘機肢篋助燎則雖

有倍人之知力亦自無如之何侯之不幸勢正類此天之所壞誰能支之祚去炎漢不待隕星而後知矣嗟乎國之興亡天也而千載之下君子獨遺恨於蜀漢之事者非以武侯故邪至其故壘遺墟獨爲之愛惜不已乃其忠義之激人不獨其法制陣伍之妙也不然則竇憲嘗勒八陣以擊匈奴晉馬隆用八陣以復涼州是在侯前已有之而後亦未嘗亡也功既有成而後世猶所罕稱述况能傳其遺跡至今乎慎嘗放舟過夔門弔永安之宮尋陣圖之跡維時春初水勢正殺自山上俯視下百餘丈皆聚細石爲之凡八行六十四繩土人言夏水盛時沒在深淵

諸葛武侯集

卷三

附錄

三

水落依然如故在吾新都者其地象城門四起中列土壘約高三尺耕者或剗平之經旬餘復突出此乃其精誠之貫天之所支而不可壞者蓋非獨人愛惜之而已耳慶陽韓君大之以進士出宰吾邑始至拜侯之荒祠次觀遺壘重有感焉謂愼日之采篆缺燕然銘石藝焉爾人不足稱也愛其藝者不泯其跡矧侯之地而可忽諸今陳圖在夔者有和叔獨孤之記少陵東坡之詩四方灼知而此顧泯焉無所表識使往來不軾樵牧者不禁非缺歟祠宇行當新之陣圖所在欲伐石樹道左大書曰諸葛武侯八陣圖碑陰之辭子宜爲之夫崇賢存古以示嚮往焉

循良事也推表山川考記往昔者則史氏職也遂書之使刻焉

諸葛孔明文集辯

明李夢陽

諸葛孔明文集六卷凡七十六篇將權之北狄五十篇世布之矣稱將苑一曰心書武德之陰察二十六篇則增者爾稱文集云閻子兵備信陽也刻其集布焉或問閻子曰集奚而刻也閻子曰吾方有兵事曰以兵事乎曰以兵法曰以兵法乎曰以兵道曰以兵道乎曰以其出諸葛氏曰誠以是也子習焉由焉已矣奚刻而布也閻子曰夫吾惡夫已而不入者也李子聞之曰大哉閻子可謂無我者矣然謂是書出諸葛氏則非矣閻子過

諸葛武侯集

卷三

附錄

四

李子問曰是書也奚不諸葛氏出也李子曰竊聞之善道者不勦說以襲名善言者不附同以著見是故老不歸孔儒不畜墨名法異旨王不述霸是書仁義詐力共條則誠偽淆矣湯武桓文並稱則王霸交矣引經括史道流是證為餌餌昭矣出入黃老申韓則授受駁矣繁簡異製文體亂矣兵詳政畧立意渙矣是故是書也共事雜其法該其道混是勦說而附同者為也故曰非諸葛氏出也閻子曰兵變事也用無定形漢滅不兩立耕者雜於涓瀆善矣不曰襲荆州之孤勒益州之降乎人必湯武則龍顏不漢日表不唐矣李子曰兵無定形道有常體故談湯

武者羞桓文慕桓文者鄙孫吳何也湯武者仁義之兵也順天  
應人者也桓文者節制之兵也假之自利者也孫吳者詭詐之  
兵也施之昏慢之國而後可者也夫是書也三者備矣故稱雜  
焉雜則事軫稱該焉該則法互稱混焉混則道亂故曰是勦說  
而附同者爲也且樊蒙進吳贊羽德曹謂備爲蜀先王云云斯  
言也果亮口出哉閻子曰內經假於黃岐然術者莫之能離左  
氏疑於邱明而學士罔舍其辭是書也習而由之卽用以指事  
因心以探法觀我以制道無於世不可也不是暇論哉

諸葛武侯論

明羅大經

諸葛武侯集

卷三

附錄

四五

伊尹祿之以天下不顧繫馬于駒弗視天下信之久矣故事湯  
事桀廢辟復辟不惟天下不以爲疑而桀與太甲亦無一毫疑  
忌之心東坡論之曰辨天下之大事者有天下之大節者也立  
天下之大節者狹天下者也夫以天下之大而不足以動其心  
則天下之大節有不足立而大事有不足辦者矣此論甚當後  
世唯諸葛武侯有茲風味其草廬三顧而後起與耕莘聘幣已  
畧相類觀其告後至曰臣成都有桑八百株薄田十五頃子弟  
衣食自有餘饒臣身在外別無調度不別治生以長尺寸若死  
之日不使庫有餘帛廩有餘粟以負陛下觀此言則其視富貴

爲何等物故先王臨終謂之曰嗣子可輔輔之如其不然君可  
自取非先王照見孔明肝膽其肯發此言雖然先王孔明魚水  
相得發此言無難也此言一發後主與左右固皆聞之矣後主  
非明君也左右非無讒慝也孔明所謂諸有作姦犯科者宜付  
外廷論刑所以繩束左右者非不甚嚴也而當時曾無一人敢  
興單辭之謗後主倚信亦曾無纖芥之疑何哉只緣平時心事  
暴白足以取信上下故也自三代而後可謂絕無而僅有矣後  
之君子爭一階半級雖殺人亦爲之自少至老貪榮嗜利如飛  
賊之赴燭蠅牛之升壁青蠅之逐臭而曰我能立大節辦大事

諸葛武侯集

卷三

附錄

聖

其誰能信之

諸葛丞相躬親決罰論

明羅大經

史言蜀諸賢彫喪孔明身當軍國之務罰二十以上皆親之以  
勞瘁至斃此真兒童之論也夫孔明不死則漢業可復禮樂可  
興孔明死則爲五胡亂華爲六朝幅裂其所關係大矣中營星  
殞天意蓋可知矣豈因罰二十以上皆親之而致斃乎且孔明  
死時年纔五十四初非癯老不任勞苦之時况以孔明之明達  
豈不能量事之大小身之勞逸而顧疲精神於瑣瑣以自殞其  
軀乎此決無之理也

漢昭烈將終謂孔明曰君才十倍曹丕必能終定大業嗣子可輔則輔之如不可輔君其自取嗚呼昭烈於是乎失言矣吾讀陳壽書至此未嘗不深爲孔明懼也設使昭烈既沒之後敵國乘之而爲祿父之謀用田單陳平之間姦臣假之興以管蔡流言之變造以夏竦伊霍之書則雖以成王之賢周公不免於居東以仁宗之明范富竟至於罷相曾謂後主之昏庸而能任賢弗貳者乎雖然愈足以見孔明之賢爲不可及也苟非忠誠貫乎日月信義孚於天下真有伊尹之志可以對越神明而無愧者其孰能免後主之疑乎

諸葛武侯集

卷三

附錄

平七

諸葛武侯論

明顧充

孔明忠於立德翊戴後嗣因山分力與水合勢以抗衡天下十分之九其爲漢復讐之志如青天白日入則周公召公出則方叔召虎道德城池禮義干櫓無歲不征屢耀其武用是土雖狹國以勤儉富民雖寡兵以節制強入不毛而孟獲七擒奉天討而祁山六出功蓋三分名成八陣牛馬劍奇擅能國手司馬懿畏之如虎甘受巾幗之遺君子方幸長庚之照一方而天不相蜀中營星隕專國一十二年扶之而不足蓋遭時之不然匪謀



慮之不長也

武侯策取荆益論

明王世貞

蘇子瞻以仁義詐力雜用而取天下爲孔明之所以失而謂劉表之喪昭烈在荆州孔明欲襲而取其孤昭烈不忍其後劉璋以好逆之至蜀不數月扼其吭拊其背而奪之國其與曹操異者幾希吾以爲蘇子書生也不識理勢且又不讀書不攷其時事夫荆州用武之地孔明之初見昭烈已言之昭烈不得荆州不可以抗曹氏曹氏不得荆州不可以滅昭烈而扼江左之上游然則曹氏未嘗一日而忘荆州與昭烈也昭烈以左將軍領

諸葛武侯集

卷三

附錄

三

豫州牧劉表僅鎮南將軍領荆州牧其位在表上特以罷旌相依麤具契誼非有君臣之分也表天子之一刺史非世守之國也表兄也昭烈弟也兄終弟及非過也取之固可否則取之而表琦爲刺史而身輔之以拒曹氏亦可昭烈之不忍固仁也而孔明之計非不義也當陽之敗幸而夏口之有歸又幸而孫權不與曹氏合耳不然昭烈之首已懸之許昌矣吾故曰蘇子不曉理勢也昭烈之入蜀劉璋逆之欲破張魯孔明不在行也其卽會而欲掩劉璋者龐統法正也而昭烈不忍也旣劉璋微覺之而不給軍食所至以兵守關隘昭烈欲歸荆州而跋尾之不

能且立槁矣劉璋焉子也焉不恤宗室之鯁危而據險自固蜀  
貢俱廢又擅造郊祀乘輿法物非叛臣而何璋之立未請命也  
曹氏之拜官曹氏與國而已仗義以討之天誰曰不宜吾故曰  
蘇子不讀書又不考其時事也

武侯食少事煩論

馬夢正

諸葛食少事煩司馬懿聞而喜曰孔明其能久乎夫周公之論  
壽也必稱無逸食之少事之煩非所謂無逸乎而願謂不久以  
此何其謬也孔明所以不久者天耳天將厭棄劉禪使司馬氏  
網而收之以孔明不死於甲寅則後至不亡於癸未是故一旦

諸葛武侯集

卷三

附錄

學九

而先奪之當其時使偃仰屈伸吮噓呼吸脯醢適口梁肉理生  
祇足以資後世之笑烏足以延孔明哉人見祁山之師未捷而  
營中之星已隕以爲孔明致死有繇仲達料亮如神矣嗚呼仲  
達斯言果真邪彼能卜孔明之死於尙生顧疑孔明之生於既  
死彼於使者之言卜其將死於百姓之奔告疑其猶生邪既乃  
解嘲曰能料生不能料死嗚呼死且不能料而況於生乎奈之  
何三軍信之萬世信之往往惜孔明自天其天年不知自古英  
雄豪傑存亡修短皆天有意乎其間卽昭烈之興士不輻輳麟  
集哉彼其先孔明死者如士元孝直雲長  
如子龍彼其後

孔明而死者如琬如允如禕豈皆食少事煩故邪孔明出師表  
固已慨人才淪喪幸此身未瘁而孰知天更不憖遺邪蓋其生  
也天爲劉氏開三分之業其死也不欲其成一統之基孔明之  
修短劉氏之修短爲之食之少事之煩又何與焉

武侯取益州論

明 王志堅

劉焉以益州有天子氣求爲州牧後擅殺漢中太守蘇固韋爲  
太守任岐校尉賈龍作乘輿車具千餘帝使其子璋諭焉焉留  
不遣焉死璋立未久出兵攻劉表徵爲卿不至然則焉父子雖  
漢臣其實漢賊耳世儒以昭烈之取蜀爲不義不盡考本末也

諸葛武侯集

卷三

附錄

武侯征南中論

明 吳 欽

孔明之征南中人有謂千鈞之弩不爲鼯鼠發機萬石之鐘不  
以莛撞起音舍不敵而么麼是先致使北定中原反爲遲局深  
惋惜之此不但未識孔明并未見陸遜上孫權之議耳遜之言  
曰方今英雄碁峙豺狼鬪望山寇舊惡依阻深地腹心未平難  
以圖遠且克敵甯遠非衆不濟取其精銳可益部伍夫蜀之南  
夷豈下於吳之山越雍圍附吳豈朱於費棧降魏得南中之飛  
軍豈弱於得山越之勁卒况南中饒金銀犀革丹漆牛馬可  
以充繼軍資邪取之則足以爲利以爲患取之則爲

本國之牙爪舍之則爲敵人之一顧不出此乎儒生胡足以知之

成敗間不容髮智者爲計

武侯謹愼論

明張 璋

人之知武侯不如武侯之自知其所明告漢帝者止曰謹愼而已觀其出師請命小挫請貶用人如恐不盡聞過如恐不及至儉約終身不使死有贏財以負知遇畧擅千古而不以先人勳蓋一時而不以自伐真到底謹愼人也夫曹馬之才不其後武侯其失處只一不謹武侯之才不大過曹馬其得處只一謹愼相天下者可知所以自處矣

諸葛武侯集卷三

附錄

諸葛武侯廟銘

明楊士奇

惟忠武侯丁漢之季愍漢之疆瓜分鼎峙奮起隆中扶日當空志靖九圍俾之混同再表出師有虔秉鉞火德旣衰吹之弗燭師進於渭星隕於營混一之志潰於垂成卧葦之岡實公舊廬昔有祠宇久爲榛蕪賢侯作守知政先務搆之塗之丹艘如故乃潔樽罍乃聲笙鏞乃饗乃享新宮惟祀之崇惟公之勸春蘭秋菊終古盥蔗

諸葛丞相集叙

明張 燾

武鄉篤魚水之歡構蠶叢之緒十倍曹丕固也嗣主不才君可

自取王臣之際直是全瀝而然焉亦以歎以禱之闇物而當武鄉之世了無失德可猜似於中有默化處武鄉身在行間君門遠於萬里而黃皓在側終伏而不敢違猶之仲達甘受巾幘直至將星宵殞然後得志此其斡旋俱非後世人所能得測矣夫張文成之贊草昧也鄧高密之毗中興也武鄉之締末造也二人俱王佐才宏振儒效然文成高密翊運方昌難而易武鄉維運將墜難而難張鄧於文辭不少槩見獨武鄉諸作如日月經天延曜入石洪灝之氣依然可掬微獨出師二表梁父一吟芬人齒牙其他條奏教令語語真至俱令問者意醒卽屑玉碎珠

諸葛武侯集

卷三

附錄

十一

莫非重寶也按陳壽上諸葛表二十四篇然則名雖爲集實爲事與言兼載非盡其文筆而今已無傳矣余錄其文筆存者哀成二卷是固八陣之剩圖而木牛流馬之遺法也

諸葛丞相集題詞

明張溥

諸葛梁父吟古今諷誦然遙望瀟陰懷齊三士此不遇好勇輕死者流何關管樂神明悲吟不止云梁父泰山下小山也人君有德則封東嶽諸葛王佐才思禪而不得見躬耕隴畝歌謠託志田疆之倫豈所慕哉出師表遠匹伊訓正議兩篇亦湯誓大誥之遺餘則赫蹏數字能伸憾夫解讐壯士刎頸開誠

布公集思廣益一生靖獻之本施於僚佐賢愚悉心所自然耳  
戒子書云學以廣才靜以成學周孔之教也晉世有寫其辭徧  
勗諸了者其理學始基乎後主暗弱黃皓陰狡武鄉復親督師  
旅不居密勿而君臣魚水常如先帝時東山金滕似反遜之志  
則同也郭塢星隕魚復遺恨國勢三分臣心無二討賊而死始  
答顧命豈自違隆中之言哉陳壽立評未極能事崔浩致詰無  
當論功唐裴晉公蓋非之矣

諸葛武侯集

卷三

附錄

五十一

諸葛武侯集卷四

八陣圖銘

并序

劉 剛

洪荒六合之間或峻壁巍峯時而崩摧長濤巨浸時而漸竭亦  
少有磐石清泉終古不可夷而絕者此固神理氣化之能然非  
至人莫能前識焉蜀諸葛武侯八陣圖有二其一在新都之彌  
牟鎮其一在夔之魚復沙上卽此是也數千年餘渦迴浪湧每  
夏秋之交日星爲之曛晦蛟龍爲之駭匿大地羣壑爲之震搖

諸葛武侯集

卷四

附文

而巖壘之石曾無損移顧不異甚矣哉庚寅春正之旦翼日曠  
舟浦次登觀奇蹟徐步而周望乃略測其故而歎化理之微武  
侯神識之遠也蓋浦之上有溪引江濤以趨北岸有土讓易  
崩故江漲則益趨之惟浦石離離隆然介乎山巒錯鬱結甚固  
浦之下則束以瞿塘鎮以灑灑江流扼於吮隘盪蕩而回延匯  
數沱此浦又在回沱之曲正其流緩歇薄之會而盪激衝撼之  
所不及也故巫峽不剗灑灑不拔則石無可轉之期惟諸葛公  
智炳物始幾測化終爰演兵圖於此靈渚擇夷極險厝至靜於  
至動使夫扶漢討賊之志忠精雄武之概昭垂萬世矣天地江

山俱傲爾或以爲公之玄機異術真有神物護持者失之誣矣  
後世若郭景純豫占江州之不沒殆亦倣此彼杜元凱廬陵谷  
變遷而沈碑以取名則其智已鑿而意愈荒矣余故刻石系銘  
樹之廟無亦欲後之觀者知公之運用述作無不出於正不可  
以誣誕之意加之也銘曰岷嶓黑水貴維梁州乾關重險坤垠  
上游烈烈武侯炎精再噓靈威大暢於梁之區粵古軒皇風牧  
執象摧妖殛兇兵陣是剝姜望佐周留侯授浦不有神契孰開  
草昧惟公篤生在漢季葉龍姿騰厲以翊昭烈奇機在握聖明  
同揆雷躍其行嶽峙其壘眷此魚復繇延斯干瞿塘下扼灑灑  
諸葛武侯集卷四

附文

二

擁前江濤排天此無衝激終古不移離離者石乃布神規用訓  
貔虎蛇鳥舒蟠風雲飛怒式法太乙體喻常山分合游翼奇正  
循環蹙吳吞魏皇漢是衍頰頰其衷如石不轉業虧鼎足連丁  
星隕惟此無疆與天地準我銘非石銘公之心悠悠萬紀立理  
可尋

運鷹道統論

國朝

朱璘

大道之所以不絕於古今者恒賴有人焉以維之固五百餘歲  
之昌運未之或爽者也乃說者謂孔孟而後大道淪亡至宋濂  
洛關閩諸先儒發明之而復續夫自周迄宋已千百餘年矣其



間設無傳人大道不幾中絕乎予以爲孔孟之學發明之者宋先儒也身體而力行之者諸葛武侯也武侯蓋應運而篤生者也其澹泊明志非卽不去貧賤不處富貴之心乎其甯靜致遠非卽靜而能安安而能慮之旨乎惟其得力於寡欲養心而明理見性由體達用以上續夫孔孟之統者也或以其佐昭烈用武中多權變而遂忘其所學之本領然其權而不離乎經變而不失其正因有以權變非其所長譏之者嗚呼此其所以爲武侯乎孔子志在春秋孟子尊王賤伯武侯心存漢室賊魏外吳其揆一也若夫出處符乎阿衡治戎合之尙父理政邁於子產

諸葛武侯集

卷四

附文

三

雖末學如陳壽者猶謂其開誠布公以佚道使民以生道殺人而吏不容姦道不拾遺風化肅然豈非王道之明驗與設以治頗嚴峻爲申韓巧於器數爲駁雜則是先王不必明苛救法而周公又何以多材多藝稱邪文中子曰諸葛無死禮樂其有興乎潛室陳氏謂孔明天資帶得又從學問中出來誠見我武侯體用兼備聖學王道一以貫之者矣夫學以靜成心惟謹慎卽濂洛關閩諸先儒主靜主敬之學皆不外是特當時無有發明之者猶之孔孟之學厯千百餘年至宋先儒而發明之也

聖門之爲學有二曰致知曰力行先儒謂子貢之學由知而入者也曾子之學從行而得者也若夫合知行而兼至者則惟顏子其後以顏子之學爲學者則有諸葛孔明顏子幸而生於孔子之世故道傳而其學遂因之以著孔明不幸而生於孔子之後故功成而其學反因之不彰論者每於草廬旣出跡其行事相與稱道弗置而還問其學之所至孰從而知之邪夫孔明知以顏子之學爲學者也顏子聞一知十而孔明獨觀大旨其處與同也顏子克己復禮而孔明寡欲養心其斷決同也顏子箪瓢陋巷其樂不改而孔明躬耕隴畝長嘯自若其得於性天同

諸葛武侯集卷四

附文

四

也三顧乃出卽用行舍藏之合乎宜也開誠布公卽不遺不貳之顯諸用也集衆思廣忠益殆善勞而安於無伐無施也不儀範修法制殆爲邦而準諸虞夏殷周也孟子謂顏子與禹稷同其道余謂孔明與顏子同其學設以孔明之學而必謂其不顏子若也何異乎以顏子之庶幾謂其學有未至而少之且以顏子之閉戶謂其學不大用而疑之邪子因推原其故論其學之所由至而知孔明之非僅天資過人也特其致知力行之功得之正靜者爲多如所謂靜以修身靜以成學者不更與心齋坐忘沉潛純粹之誼若合符節也哉故先儒於顏子曰王佐於孔

明亦曰王佐誠見其學之所至雖世遠迹殊則同揆者也  
不然先儒之並以王佐稱二子也亦獨何與亦獨何與

識時務論

朱 璘

建天下之大業者必具天下之大識者也具天下之大識者必  
明天下之大義者也未有大義未明而尚可謂之識時務者固  
哉陶九成之論孔明也孔明佐昭烈以扶漢室君臣一德如東  
水之合咸欲有以伸大義於天下者耳觀其草廬定策曰將軍  
既帝室之胄若跨有荆益而內修外合則漢室可興讀之大義  
凜凜顧乃以獻帝在上未常稟命而謂大義有所未明吁此豈

諸葛武侯集

卷四

附文

五

曹操挾天子以令諸侯之謀也其可借之以責夫討國賊而伸  
大義者哉夫獻帝果何在也使先主屯兵新野而請命焉則必  
曰爾其聽丞相令毋違兵以犯關廷使先主求救孫權而請命  
焉則必曰爾其從丞相來毋合謀以圖不軌使先主定有漢中  
而請命焉則必曰丞相有大勳勞其公其王宜也爾毋違與相  
抗則是所謂稟命者特稟命於操不已耳其欲跨白荆益而由  
荆以向宛洛由益以出秦川平定中原而滅魏吞吳誠爲必不  
可得之數計如柴桑鼎足之說所以慰孫權者亦將束手待斃  
而聽命於國賊矣奈何謂之明大義則未也而謂之識時務則

可也試思彼時之所當務者孰有急於仲大義乎余以爲能明大義卽所以爲識時務猶之忠於昭烈卽所以忠於漢室而皆不得歧視之者也不然曹操之自公而王曹丕之受禪而帝皆請命於天子而爲之者反可謂之明大義也乎嗚呼自陳壽有應變非其所長之評而袁宏輩和之自蘇軾有詐力仁義雜取之論而秦觀等利之孔明之才之學此所以歷千百餘年而尚無發明之者然未有如陶九成之謂未明大義者也妄誕至此可慨也夫

可與權論

宋 璘

諸葛武侯集

卷四

附文

六

事有不可以直致而曲以致之者孔明之取荊益以興漢業是也事有不可以兼及而專以及之者孔明之置孫吳而討曹魏是也此其中固有權焉非可以意爲輕重者也程子曰權只是經自漢以下無人識權字誠見夫孔明之能權而不得謂漢無識之者故豫章羅氏以孔明爲可與權夫善用權者不離乎經以爲用者也孔明志在興漢方其高卧南陽使非遇昭烈甯終老隴畝優游樂道已耳乃三顧而起遂輔昭烈以伸大義則忠於昭烈猶之忠於漢室矣迨建赤壁之捷表領荊州而半分其地國小力弱將何以爲復仇之資乎不得已 從襲取劉璋之

計曹操既納張魯之降而遽還許昌此實天之以漢中賜我也  
擊魯而有之將何以安新附之衆而肅致討之令乎不得已而  
有表請稱王之舉夫自三代以來擇君而事左提右挈取人國  
而不得謂之貪冒白王而不得謂之僭與漢討賊大義炳於千  
古何莫非孔明之權以致之者哉至其尙嚴峻以飭廢弛假擒  
縱以宣威德斜谷運而牛馬可制渭上屯而巾幗可遺凡於治  
國行軍之際皆所以究固其根本而非專任權變權術者等也  
故曰善用權者不離乎經以爲用者也嗚呼獻帝蒙塵漢祚將  
移曹操已挾天子孫權久踞三南旣不能勤兵以清君側則爲  
諸葛武侯集卷四

附文

七

之割據以制其變而建安二十六年之祚實孔明延之也更不  
能逞志以靖羣姦則爲之併力以討國賊而後漢四十餘年之  
統實孔明紹之也凡其所以忠昭烈以忠漢室者要皆孔明之  
權以致之者也其言曰我心如秤不能爲人作輕重殆卽權之  
義與特羅氏以爲人才至可與權而不可有加則孔明所不敢  
任受也蓋學無止境精義入神夫固有化其權之見而自合於  
經之中如孔子之謂從心所欲不踰矩者誠蔑以加矣然豈終  
絕人以不可幾及也哉

劉焉起於僭竊劉璋繼以闇弱其不足以勝魏而必爲魏有也  
明矣先儒以其迎先王入蜀而遽有之又不聲罪致討而襲  
之於是乎爲非義卽曰始於法正之陰獻計而成於龐統之陳  
三策迺孔明率張飛趙雲等會師成都誠不可謂不與其謀者  
矣雖然璋之迎先王也北畏張魯之侵東慮荊州之偏迎而遽  
使擊魯擊之而勝適足以自固擊之而不勝亦足以消患是秦  
我也是孤注我也是假魯以罷疲我也負辜懷姦以讐我爲漢  
復仇之人其人蜀而遽有之無傷也然則何以不聲其罪而討  
之乎夫逆命不臣盛世有之使舉兵問罪而彼若堅拒以守則

諸葛武侯集卷四

附文

八

我之兵力亦殫將何以討國賊而伸大義乎不得已而從逆取  
順守之說可以養其鋒而蓄其銳向使先王不大舉伐吳之師  
孔明必直取關中而向宛洛之間矣又何俟閉關息民遲之數  
年而始出祁山也哉是則孔明之會師成都而從襲取之計者  
卽先儒所謂殺賊不得不急也舍僭竊已往之罪全闇弱就縛  
之耻封之公安而俾守其宗祀益可以見其用心之厚也夫

不諫伐吳論

朱璘

君臣之道以義合者也合則留不合則去先王恥關羽之沒急  
欲報雪奮不顧身孔明卽犯顏強諍亦必不聽不聽則義不可

留而無以成其爲漢復讐之志留而不去則始也以道義自處  
三顧乃出繼也隱忍於去就之間而欲遲回以圖後效難矣且  
趙雲爲先王素所信任之人其進諫曰國賊曹操非孫權也不  
應置先與吳結兵交不解不益得自固其詞嚴義正若此而  
先王猶然不納此孔明所以因有宮之奇之諫而可以爲百里  
奚之不諫也或曰孔明初說先王攻劉璋荆州可有先王不聽  
然則亦當以義引去乎余謂先王不忍攻璋猶是仁人之心  
也夫齊宣不忍一牛而孟子卽欲其擴充之以致王先王不忍  
背表而孔明遂悻悻然思去之此亦等於小丈夫矣孔明豈出

諸葛武侯集

卷四

附文

九

此者哉乃或者又以爲當時孔明未必不諫意先王不聽故追  
思法孝直以示意也不知孝直陰獻取蜀之計驕悍之氣足以  
強諫卽諍之不從亦不必遽去非若孔明之以道義自處三顧  
乃出者比也此孔明之不諫正所以善全乎君臣之義而終成  
其爲漢復仇之志也且安知趙雲之所諫非卽受之於孔明者  
哉

平南中論

宋 璘

事有近圖而實爲遠計功若小就而實爲大謀者莫如武侯之  
平南中矣南中僻處一隅民多樸化地多不毛其亦何足爲洋

重乃武侯親督其軍審慎以行而不放忽者誠以南中所繫甚重也故頻叛而置之不問及牂牁越雋諸郡附吳以叛則吳必生覬覦而不可爲援將何以安漢數十年之國祚而無虞邪惟貳而討之服而舍之使之懷德畏威而不復反始可援吳而國祚以安且自先帝大舉伐吳之師傾國而耗於其役卽閉關息民務農樹穀遲之數年以出而前有強敵後有邊警勢亦處其難矣乃旣服其心而不留兵以糜餉不設守以強制且得資其軍資以舒我梁益之民力迨出而伐魏而比能等之部落皆聞風而樂爲我用其於興漢討賊之策裨益何多與然則南中之

諸葛武侯集

卷四

附文

十

役非近圖而其爲計者遠也非小就而其所謀者大也

出祁山論

宋 璘

取天下與取一國異取一國者其至不能守其臣思得明君其地可資之以成大業因其斃而攻之乘其間而取之皆可不勞而撫有其國取天下者兵舉於義師出以律可正而不可譎可安而不可危堂堂正正整旅而進其聲勢自足攝服乎天下此武侯伐魏之舉所以必出祁山而不疑也乃論者因不從魏延出襄中之計謂其不攻瑕而攻堅抑何謬與夫間道而進其險易守無論其平日之鎮戍萬一聞風而調遣戎士扼項以待可



若何且關中非小弱也魏之將帥非皆怯而無謀也孤軍深入  
未能必其卽勝不幾進退維谷乎卽武侯祁山之出亦揚聲由  
斜谷誠知其必備而非偏師可以取勝也况使人據箕谷微趙  
言爲殿幾不能全師以還則可知魏之兵力固足肆應而有餘  
又何能期其必勝而計日可達乎此孔明之出祁山謂可安從  
坦道必克而無虞也夫孔明取魏之志蓄之有素籌之已熟聲  
罪致討固已謀布天下故一出而三郡爲之嚮應關中爲之震  
動魏之君若臣爲之蒼黃無措由此而直達關中將見宛洛之  
衆盡歸版圖天威所至曹叡授首則由東江南可傳檄而定矣

諸葛武侯集

卷四

附文

上

是堅者既破何瑕之足攻哉乃馬謖負過人之才器而輕敵致  
敗則天也苟從魏延之計幸而獲勝不過潛師畧地所定者咸  
陽以西耳不幾以取天下之大計而等於取一國之近圖也哉

鼎足說

朱璠

草廬定策特指當日時勢而言之也而後乃適如其說焉耳若  
夫限於鼎足豈孔明志哉說者謂其非惟人事亦知天象此固  
於氣數之見也成敗利鈍非所逆攬孔明固已言之矣觀其所  
謂天下有變則由荆以向宛洛由益以出秦川限於鼎足豈孔  
明志哉夫當日天下已變矣而若以爲未變者蓋猶有獻帝在

也未變則勸業可成有變則漢室可興尊王復仇此卽自比管樂之微意也限於鼎足豈孔明志哉

不禁抑法正說

朱璘

說者謂孔明不禁抑法正於是乎失政刑余思先王自矜英斷卽所謂魚水之合如孔明者初說其攻琮荊州可有而不聽繼孫權進妹固好謂其不可入吳而不從及狼狽逃遁而獲全乃不知自省而詡詡然以爲得計豈所謂從諫者乎當時惟法正以陰獻取蜀之策負才任性敢於諫諍必繩之法紀以較其縱橫之氣恐諫諍或因之不力而先王少一強項之臣矣他日孔明曰法孝直若在必不令至上東行職是故也國志載孔明與孝直好尚不同而公義相取於以見孔明之開誠布公而能盡時人之用也傳曰君子易事而難說也及其使人也器之孔明有焉

武侯集

卷四

附文

七

木牛流馬說

朱璘

昔人謂水碓之智過於周公此猶資之於水者也若武侯之木牛流馬仔重遠其何所資而爲之乎考其遺制若者爲首若者爲腹若者爲舌爲足長短厚薄各有分寸大約動必以機機生於數吾因是而益歎數之爲用大矣大易推於一畫洪範括

乎九疇具眾理而應萬事恒於數焉參之是理之與數固同原而殊委者也武侯探索原委而偶用之於木牛流馬未可因其細而遺其大也乃武侯於此亦若欲自見其長者一則曰以木牛運再則曰以流馬運則何以故蓋兵行詭道假此以示武於敵而每以糧盡而還輒爲敵所料則數亦處其窮矣然則爲轉運之計者固不得不資之於人力而能使之不至於竭焉則智矣毋妄冀木牛流馬爲也

不復喪禮辨

朱璘

綱目書漢中王卽皇帝位立宗廟祫祭高祖以下前史載冬十

諸葛武侯集

卷四

附文

三

月丞相亮奉詔營南北郊於成都規模抑何宏遠與乃於帝喪不復諒陰三年之禮仍漢舊制以日易月者何哉武侯當日非不欲古禮之卽復也特以時有所未逮爾夫以先君莫行之事而舉之於至少國疑之際在武侯則率由舊章而羣下或疑爲藉此以自便則流言之謗由此而起其何以無負遺命托孤之意而成其爲漢復仇之志哉此武侯所以甯蹈非禮之譏而仍循漢制且重以親受戒敕而不敢有違庶使後帝亦得因以稍慰也已先儒謂諸葛無死禮樂其有興乎誠見其規模宏遠而特以時有所未逮也或有歸過於冢宰所贊者其亦可以無議

矣

不知馬謖辨

朱璘

街亭之敗由於馬謖孔明上疏自劾曰臣明不知人夫知人則  
哲古帝難之其亦何必爲孔明辨惟是國志載先主臨終曰馬  
謖言過其實不可大用亮以爲不然余竊疑之初謖爲越巂太  
守才識過人孔明深異之先主孔明器識相上下真君臣也乃  
並不指其所言之事與所過之言而止謂不可大用若出於事  
後論成敗者况當日先主於永安病篤困始召孔明於成都遺  
命托孤之外不聞其品評一人何獨於馬謖諄諄邪且孔明之  
先主極其謹慎平日無一事任意以行者設果有是命則必  
當加審察而誌之何志竟載亮以爲不然夫獻可替否以將敬  
也不然之詞一似乎有菲薄其君之心矣果其意有不然又何  
不聞出一言以置辨邪其爲誣罔毀謗不待知者而知之也余  
故疑之因倣張南軒續傳刪其爲後主寫申韓管子等書以爲  
可疑疑則闕焉可也余於先主之論馬謖亦然

書諸葛思遠傳後

朱璘

嘗讀孔明與兄瑾書曰瞻今已八歲聰慧可愛嫌其早成恐不  
爲重器蓋所期望者大且遠也何壽爲思遠作傳卽藉之爲張

本謂其工書畫彊識念以符其聰慧之語而於侍中僕射及與董厥並平尚書事凡善政佳事皆秘而不宣一如傳孔明事之涉曹馬者然然而赤壁之奇策難掩也上邽之歛軍易見也涓上之堅壁至明也其奇猷偉績猶時時見於他說至壽之傳思遠若并欲其善政佳事之見於他說者亦必使之莫傳而槩爲非瞻所倡建卽百姓咸相歸德乃以譽過其實一筆抹煞古來作傳有如是之曲筆以掩人耳目者乎究之督師涪亭斬敵使殉國難大節凜凜千載如生之重器誰曰不宜或曰孔明嘗髡壽父思遠復素薄其爲人斯傳也信有之矣

諸葛武侯集

卷四

附文

五

纂輯武侯集序

朱璘

嘗謂太上立德其次立功其次立言夫德尚矣明理見性循學達天或見諸經濟或發爲文章皆相爲表裏者也乃後世咸知崇尚理學而每以著書立說爲可闡明蘊奧足以繼斯道之傳卽建奇猷樹偉績彪炳宇宙者亦槩目爲功名中人而非理學中人也夫使必高談性天研祕晰微而曰道在是矣則孔子之夢寐東周孟子之王齊反手又何以稱焉三代以來求其扶綱常正人心足以上續孔孟之統者誠莫如諸葛武侯矣當其躬耕南陽誓自以明志寧靜以致遠若將終身及出而興漢討賊

勳業爛然其所關於世道者豈淺鮮哉若夫辭命之閒明體達  
用洞見源流迄今讀其出師表誠子書何一非本之理學以出  
者乎余因彙其集而重訂之非好爲標新示異也特欲明侯之  
立言原足與德功並垂千古耳竊恐徒視爲經濟之書而不  
知其爲理學之宗也因撰論辨若干首并附錄於集後以見侯  
實運當五百學近庶幾凡其所措置未可得而輕議之也然則  
覽斯集者夫亦可曉然於侯之文章矣夫亦可曉然於侯之經  
濟矣夫亦可曉然於侯之理學與經濟文章皆相爲表裏者矣

諸葛文集序

增

張澍

諸葛武侯集

卷四

附文

去

諸葛氏之相季漢也九州鼎沸尺土無階決策投毘式啟疆宇  
赤堯之日再中謹慎之懷彌固謂非伊呂同儔而管樂爲伍哉  
觀其討賊自劾北出南征將窮詐力於瘴癘之鄉脫赤子於勞  
狼之吻酋師七擒祁山六出獲懾天威懿甘巾幗斯其將略何  
如耶若乃託孤受寄忠盡篤棊主不疑福下不忌傾吏革姦頑  
民安勞苦秤心無輕重之倚峻法泯秋毫之怨此賢愚咸忘其  
身仇敵亦仰其治與儻天心祥漢火井復然虎視龍驤吞吳并  
魏縣金刀之甲子拓玉壘之山川吾知禮樂可興刑罰可措雖  
雷侯之贊草創高密之劫中興亦難方此籌策並乃宏規何以

涓濱之師未捷郭塢之星遽隕黃皓媼子箕舌遂張譙周老臣  
降表斯送豈非數哉彼崔浩織生笑其委棄荊州退入巴蜀誘  
奪劉璋僞連孫氏守窮崎嶇之地僭號邊陲之閒可與趙佗爲  
難與蕭曹爲亞是乃不知時勢之莠言也若薛能吟詩媼其  
才諱呂溫作記訾其昧義會文豹責其不忠於漢比諸益子葉  
龍泉妄作習學之記儕於公孫尤爲善論不足置辯矣昔司空  
張華謂李密曰孔明言教何碎密曰昔舜禹皋陶相與語故得  
簡大雅語與凡人言宜碎孔明與言者無已敝言教是以碎耳  
嗚呼讀忠武者當以是求之

諸葛武侯集

卷四

附文

涓濱之師未捷郭塢之星遽隕黃皓媼子箕舌遂張譙周老臣  
降表斯送豈非數哉彼崔浩織生笑其委棄荊州退入巴蜀誘  
奪劉璋僞連孫氏守窮崎嶇之地僭號邊陲之閒可與趙佗爲  
難與蕭曹爲亞是乃不知時勢之莠言也若薛能吟詩媼其  
才諱呂溫作記訾其昧義會文豹責其不忠於漢比諸益子葉  
龍泉妄作習學之記儕於公孫尤爲善論不足置辯矣昔司空  
張華謂李密曰孔明言教何碎密曰昔舜禹皋陶相與語故得  
簡大雅語與凡人言宜碎孔明與言者無已敝言教是以碎耳  
嗚呼讀忠武者當以是求之

附詩

八陣圖

晉 桓 溫

望古識其真臨源愛往蹟恐君遺事節聊下南山石

蜀相

唐 杜 甫

丞相祠堂何處尋錦官城外柏森森映階碧草自春色隔葉

鵑空好音三顧頻煩天下計兩朝開濟老臣心出師未捷身先

死長使英雄淚滿襟

懷古

唐 杜 甫

諸葛大名垂宇宙宗臣遺像肅清高三分割據好籌策萬古雲

諸葛武侯集

卷四 附詩

八

寄一羽毛伯仁之問見伊呂指揮若定失蕭曹運移漢祚終難

復志決身殲

諸葛廟

唐 杜 甫

久遊巴子國屢入武成祠竹日斜虛寢谿風滿葺輪君臣當共

濟賢聖亦同時翎戴歸先王并吞更出師蟲蛇穿畫壁巫覡醉

蛛絲歎憶吟梁父躬耕起未遲

古柏行

唐 杜 甫

孔明廟前有老柏柯如青銅根如石霜皮漚雨四十圍黛色參

天二千尺君臣三異時際會樹木猶為人交惜雲來氣接巫峽



長月出寒通雪山白憶昨路繞錦亭東先王武侯同闕宮崔嵬  
枝榦郊原古窈窕丹青戶牖空落落盤踞雖得地只具孤高多  
烈風扶持目是神明力正直元因造化工大廈如傾要梁棟萬  
年回首邱山重不露文章世已驚未辭翦伐誰能送苦心豈免  
容螻蟻香葉終經宿鸞鳳志士幽人莫怨嗟古來材大難爲用

八陣圖

唐杜甫

功蓋三分國名成八陣圖江流石不轉遺恨失吞吳

武侯廟

唐杜甫

遺廟丹青古空山草木長猶聞辭後至不復卧南陽

諸葛武侯集

卷四 附詩

十九

夔州歌

唐杜甫

武侯祠堂不可忘中有松柏參天長干戈滿地客愁破雲日如  
火炎天

讀諸葛武侯傳

唐李白

漢道昔云季羣雄方戰爭霸圖各未立割據資豪英赤符起趙  
運卧龍得孔明當其南陽時隴畝躬自耕魚水三顧合風雲四  
海生武侯立岷蜀壯志吞咸京何人先見許但有崔州平

先王武侯廟

唐岑參

先王與武侯相逢雲雷感通君臣分義激魚水契遺廟空蕭

然英靈貴于歲

武侯廟古栢

唐李商隱

蜀相階前栢龍蛇捧闕宮陰成外江畔老向心陵東大樹思馮  
異甘棠憶召公葉凋湘鸞雨枝拆海鵬風玉壘經綸遠金刀歷  
數終誰將出部表一為問匪謬

題籌筆驛

唐李商隱

猿鳥猶疑畏簡書風裏長為護儲胥徒令上將揮神筆終見降  
走傳車管樂有才真不忝關張無命欲何如他年錦里經祠  
廟梁父吟成恨有餘

諸葛武侯集

卷四

附詩

千

籌筆驛

唐羅隱

拋擲南陽為王憂北征東討盡良籌時來天地皆同力運去英  
雄不自由千里山河輕孺子兩朝冠劍恨誰周惟餘巖下多情  
水猶解年年傍驛流

觀八陣圖

唐劉禹錫

軒皇傳上畧蜀相運神機水落龍蛇出沙平鶴鶴飛波濤無動  
勢鱗甲避餘威曾有知兵者臨流指是非

孔明廟栢

唐陸龜蒙

客葉四時同一色高枝千歲對孤峰此中疑有精靈在會見盤

根似卧龍

諸葛武侯

宋王安石

漢日落西南中原一星黃羣盜伺昏黑瞻翻石飛鳥武當此  
時龍卧獨摧藏掉頭梁父吟羞與眾爭光邈  
南陽崎嶇巴漢間雲以弱與強睜呵若長庚  
出照一方勢欲起六龍東迴出扶桑借哉淪中路  
悲子祖餘策論能走强梁

諸葛孔明

宋王安石

慟哭傷離為一言餘風今日更誰信區區  
寄支吳魏不是

謔武侯集

卷四

附詩

心豈得賢

隆中

宋蘇軾

諸葛來西國千年愛未衰今夢遊故里蜀客  
小舟志言襄陽野牛此萬乘師山中有遺視  
矯龍之姿龍嘯山水龍去淵  
漣移空餘蜿蜒跡使我寒涕垂

題石鼻寨

宋蘇軾

北客初來試新險蜀人從此送殘山獨穿暗  
大滕風一愁渡奔

河莽蒼間 卷中聲

八神

宋蘇軾

平沙何茫茫髣髴見石絕縱橫滿江上歲歲沙水清孔明死已久誰復辨行列神兵非學到自古不留訣至人心已悟後世徒妄說自從漢道衰蜂起盡姦傑英雄不相下禍難久連結驅民市無烟戰野江流血萬人賭一擲殺盡如沃雪不爲久遠計草草常無法孔明最後起意欲掃羣孽峭嶮節制隱忍久不決志大遂成逆歲明去如瞥六師紛未整一日英氣折帷餘八陣圖千古壯夔夔

孔明書臺

宋 祠

君不見孔明書臺遺廟旁古書不見莫荒涼  
未起蜀天遠

諸葛武侯集 卷四 附詩

三

廬日已空南陽赤符光寒白水涸秣陵王  
能正璋若嬰  
已探虎狼脫去荊州殊不惡十倍奇才安用  
此臺 時知有  
無蜀人思君識故處未若江水存兵國黃冠  
以居門第以祗有  
坊名今尚在安得臺邊見古人秋草重生類  
帶

八陣圖

宋 王剛

我稽八陣圖規模載方冊榻來鎮西蜀夔門  
壘石道涉彌牟  
鎮灘石同一式細思作者意孔明有深策高岸或爲谷灘石有  
遺跡江海變桑田平原猶可覓故今兩處存  
載必一得

諸葛武侯

一册

卧龍起南陽不爲鼎一足其名蜀丞相相漢非相蜀

八陣臺觀武侯像長句

宋

張續

白帝城西魚復浦十月江平見津許當年累石紛成行此地卧  
龍經講武懸知精禱員金石尚想誥令嚴鉦鼓老兵料敵疑  
生川后澄波其敢侮尚令赤汰有餘符下晚皇州直指取  
遺跡司神明獨斲豐功被寰宇高城置酒共臨眺行車鐵  
墩歎撫巍然王佐三代前信矣名言照千古

謁漢昭烈惠陵及諸葛公祠宇

宋  
陸游

兩止風益豪雪作雲不動淒涼漢陵廟衰草卧翁仲畫妓空

諸葛武侯集

卷四

附詩

三

笄土馬關羈鞚壤沃黃犢耕柏密幽鳥啼尚思武侯公身經社  
稷重整整渭上營氣已無收雍少須天意定破賊窟思眾興亡  
信有數星隕事可痛陵邊四五家茆竹居接棟手繫紙上落  
熟酒鳴甕雖鳴生理微亦足追飢凍劉葛固雄傑閱世均一夢  
論高常近迂才大木難用九原不可作再拜臨風慟

謁諸葛丞相廟

宋  
陸游

漢中四百天所命老賊方持大阿柄區區梁益豈止支不忍安

坐觀異姓遺民亦知王室在閨位那干天統正公雖已没有神

靈猶假賦手誰鍾鄧前干我過沔陽祠再拜笑死公遊潔齋

請作送迎詩精忠大義神其聽

遊諸葛武侯書臺

宋 陸游

沔陽道中草離離臥龍往矣空遺祠當時典午稱  
用賊氣喪不  
敢當王師定軍山前寒食路至今人祠丞相墓松  
心像梁甫  
吟尙憶幡然奮三顧出師一表千載無遠比管樂  
有餘世上  
俗儒甯辨此高堂當日讀何書

諸葛村謁武侯廟

元 尚俊斯

炎井厭東都卧龍起南陽漢業入三顧蜀日宣重  
心豈伊山川  
阻况在兵力強八陣通神明二表貫穹蒼煌煌十  
四師聲威播

諸葛武侯集

卷四

附詩

二五

八荒大星隕渭南萬古一悲傷但使漢賊分安有  
心不  
蕭將軍雙旌出永昌下馬城南祠爲我酌一觴

和梁父吟

元 楊維禎

步出齊城門上陟獨樂峯梁父昂雉堞蕩陰夷鬣  
封齊國殺二  
土杵臼不能雄所以梁父吟感歎長嘯翁吁嗟長  
嘯翁相邊起  
伏龍關張比疆治將相俱和同上帝棄炎祚將星  
二點  
和梁父梁父生悲風

題南陽諸葛廟

元 尚伯琦

劍江春水綠沔沔五丈原頭日又曛舊業未能歸後主大星先

已落前軍南陽祠廟荒秋草西蜀關山隔暮雲正統不慚傳萬  
古莫將成敗論三分

蜀相像

明方孝孺

羽扇綸巾一卧龍誓匡寶祚翦英雄圖開八陣神機外國定三  
分掌握中

五丈原

明李東陽

五丈原頭動地鼓魏人畏蜀如畏虎營門不開呼者怒揮戈指  
天天宇漏將星墮空化爲土煉石心勞竟何補侯歸上天多舊  
伍羽爲前驅飛後拒忠魂不遂降王車長衛英孫朝烈祖

諸葛武侯集

卷四

附詩

三五

沔縣武侯祠

明趙貞吉

定軍山前逢故老百年誰識荒山道青騶結蓋重問津一索弔  
古一傷神時屯不動蛟龍氣野曠空令鳥鵲馴白馬綸巾墮青  
溪星光夜入銀河爛襄陽耆舊盡凋殘蔡水東流不忍觀椒漿  
若下雲中莫應記從軍舊鄉縣爽雨羌雲滿笛風三聲猿落鬢  
森東若涼薄暮無所見遙想當時龐德公

快卧龍岡

明徐光宗

自謁先生像春光半月歸誰知松壑夢猶向草廬飛

謁武侯祠

明劉廷詔

無意求聖人，人間幾醉醒。高吟依白水，長嘯拂青冥。雅志當顏  
運，奇才屬妙齡。始遊吳郡邑，終立漢朝廷。西蜀傳飛檄，中原可  
建械。機謀器刻閣，號令肅街亭。露布聲彌振，霜戈血未腥。圖成  
石作陣，地割溝爲銘。慷慨師頻出，艱虞戰屢經。羣雄蔽日，起孤  
淚。望風零後主，悲殘日前軍。落大星，勛勞空赤伏。遺恨徹蒼溟，  
炎祚終難復。徐方竟不庭，鳳歸因鏃翮。龍去已潛形，古栢圍三  
徑。崇岡護百靈，森嚴神宇在。惆悵使車停，巫峽陰符祕，雷霆濁  
浪噴。錦官城外路，又得見儀型。

祁山武侯壘

明 傅振商

諸葛武侯集

卷四

附詩

二

山光不改古來碧，岷江時漾浮雲白。遺壘荒苔夕照間，山川猶  
拱天威赫。天不祚漢，將星殞空悲。伊呂藏籌策，王佐奇才生氣  
存。那箇男兒不巾幗，立馬西風弔舊踪。野鳥無端爭噪客。

謁武侯祠

沔縣

明 傅振商

漢祚當垂盡，天開第一流。豈云比管樂，允自並伊周。魚水精神  
合，鹽梅意氣投。生靈真有托，人望已全收。手挽君臣義，心殫社  
稷謀。旌旗揚玉壘，幃幄奠金甌。大火流炎井，神工運木牛。眾星  
歸北極，八陣出西州。疾卧屯軍哭，喪回閣道愁。衣冠藏曲岫，祠  
廟背清流。臘思遺澤山河拱，壯猷宗臣遺像古。仰止思悠悠。



籌筆驛

明 傅振萬

炎精欲消歇龍起費調停  
分鼎方籌筆推心竟隕星  
雨迷荒驛暗春霽亂山青  
有客思前哲沉吟入杳冥

題卧龍岡

國朝 江天游

丞相躬耕處蒼茫見草廬  
吟深智勇寂卧穩淡甯居  
涉業有幽憐王圖出緒餘  
使非臣主契終向隴頭耨

晚登夔府東城樓望八陣圖

王士正

永安宮殿莽榛蕪炎漢存亡六尺孤  
城上風雲猶護蜀  
浪失吞吳魚龍夜偃三巴路  
虵鳥秋懸八陣圖搔首桓公漢弔

諸葛武侯集

卷四

附詩

七

處猿聲落日滿夔巫

沔縣謁諸葛忠武侯祠

王士正

天漢遙遙指劍關  
逢人先問定軍山  
惠陵草木冰霜裏丞相廟  
堂檜栢間八陣風雲通指顧  
一江波浪急潺湲  
遺民帶血還私祭不獨英雄血淚斑

武侯琴室

王士正

竹篠娟娟靜江流漠漠陰  
至今籌筆地猶見出師心  
遺恨成衙  
聲元聲有故琴千秋絃指外  
髣髴遇高深

空軍山諸葛公墓下作

王士正

高密起南陽文終從高祖暴敷本見疑數岵亦非武定堂諸葛  
公魚水託心膂二表匹謨訓一德追伊呂視操但如鬼畏蜀還  
如虎嗟彼巾幗徒與公豈儔伍紫色復蛙聲抵隙各爲三火井  
方三炎赤伏更典午志士恥帝秦祭器猶存魯陰平一失險面  
縛忘奔莒知公抱遺憾龍卧成千古峨峨定軍山悠悠鴻陽濱  
鬱鬱冬青林哀號杜宇耕餘拾敗鏃月黑聞軍鼓譙候響足  
誅激昂淚如雨

卧龍岡

王士正

五丈原頭望秋風落大星空留高卧處古栢日真冥

諸葛武侯集

卷四

附詩

二

卧龍岡二首

徐嘉炎

層岡體勢獨盤紆弔古徘徊識草廬梁父歌吟誰解待龐公品  
藻竟何如留連白水真人地彷彿桐江隱士居見說卧龍遺址  
在雲臺塵跡付邱墟

騶樓元直媿同儔邂逅逢君第一流事業迥躋造音樂才名甯  
屑傲應劉新疆已見蠶叢關古道曾無杜宇愁起蟄風雷霽一  
夕清時魚水足千秋

遊卧龍岡

李來章

迢遞崇岡帶郭開草廬南對白河隈三農終老平生志二表爭

光絕代材古栢蕭森龍尙卧新秋颯爽客初來欲親拂拭搜殘  
先採芳英薦酒杯

弔卧龍岡

袁虞尊

弔弔先生名隱鄉山川猶是舊南陽輟耕隴上風雲起抱膝廬  
中日月長惟有經權眞學問自能出處不尋常遙遙秦蜀祠堂  
在龍卧千秋只此岡

重訂諸葛丞相集

朱璣

千年理學豈銷沈諸葛遺編細討尋經濟雲霄空萬古文章鏗  
呂冠羣音出師表著君臣義誠子書傳賢聖心斯道在人今未  
墜不徒聲價重儒林

諸葛武侯集

卷四

附詩

三九

諸葛公墓

魏際瑞

定軍山下栢蒙茸曠古精誠在此中三尺孤墳猶漢土一生心  
事畢秋風孫曹未滅成何世天地無知喪此公千載傷情惟杜  
宇年年啼血樹頭紅

蜀中懷古

陳恭尹

子規啼罷客天涯蜀道如太古所嗟諸葛威靈存八陣漢朝終  
始在三口通牛峽路連雲棧如馬瞿塘走浪花擬酌昔賢魚水  
地海棠開遍野人家

蜀漢

吳父

季世唐虞只此時泗亭天壞哲人違三交城下波聲急五丈原  
頭日色微西國無烟生火井東鄰有女落蟻磯不關鍾鄫能緣  
險黃皓譙周盡識幾

五丈原

許孫荃

荒原澹斜日古戍黯層陰五丈空留跡三分不死心地隨營壘  
没生與陣雲沈薄暮秋風急如聞梁甫吟

謁諸葛公祠

馮廷樾

壞垣敬徑野花幽肅肅靈祠祀武侯紅飯一盂邨賽晚黃桑千

諸葛武侯集

卷四

附詩

三

樹廟門秋壁間畫妓遺巾幘山下征人役馬牛太息高麾遊渭  
上誰教天末大星流

諸葛武侯祠

唐孫華

卧龍潛下國逐鹿走羣雄慷慨吟梁父撝謙拜德公管蕭才豈  
匹伊呂望應同漢廟靈猶在劉天姓未終一犁耕隴畔三顧出  
隆中旒綴千年璽絲懸九鼎銅黃圖分社稷赤壁掃矚瞳入蜀  
神基固分荆峽路通一噓火井燄再起沛鄉風操懿真如鬼關

張亞是熊罴驅箕谷路流涕永安宮定計收關隴深期卜鑄豐  
雜耕屯渭田籌筆沈荒戎吞貉會無芥蠆狐欲折兇風雲開絕

孤忠委寄尋前諾艱危誓鞠躬三分非素志八陣漸  
成功炎景終移祚流星忽墜空宅桑仍索冀廟柏自青蔥異地  
留祠宇靈旗捲暮虹

諸葛銅鼓

顧圖河

武侯未築祁山壘先出偏師渡瀘水人言孟獲不足擒股掌玩  
之徒戲耳豈知北伐用南志正欲中原掃讐恥夔人笮馬供鞭  
驅羅鬼烏蠻皆效死至今銅鼓散山谷尚戶流傳尚誇侈精銅  
其質革其音想見援袍兵四起烏蛇龍虎倏離合戎機萬變人  
難擬會傳八陣有遺積吏說旗臺餘故址此鼓千年尙宛存血  
戰消磨土花紫君不聞在軍山下陰雨中山鳴雷動聲隆隆埋  
鼓鎮蠻功未畢反旗走敵帳無窮

諸葛武侯集

卷四

附

三

卧龍岡武侯祠

劉師恕

祠堂舊是棲遲地門外曾停三顧車自信君臣並魚水不教莘  
渭擅耕漁大星墮水終炎祚古柏參天傍草廬魏殿吳宮俱泯  
滅荒岡猶峙劫衣

書武侯傳

晉

李寅

寤想宗臣握節盟心無地不艱虞遷移京國方扶以力竭  
南更託孤縱意河山分鼎足忍教正朔委當塗可知空谷龍

日莘野躬耕道自符

武侯祠

任蘭枝

丞相祠堂汚陽許檜柏森森鐵榦古行人指點定軍山月黑天  
陰聞戰鼓三分炎祚鼎終存萬馬中原氣已吞五丈原頭將星  
落此間終古藏忠魂泱泱寒流向東去霜郊豁見平蕪路南通  
劍閣北褰斜想見當年連籌處我來下馬拜荒邱三代而還第  
一流縣竹戰餘瞻尙死一門忠烈壯千秋

題隆中草廬

凌如煥

攝衣峴山巔停舟鹿門溪憑弔草廬人抱剡山之趾燭照天下

諸葛武侯集

卷四

附詩

三

事未嘗一挂齒一朝感知遇卧龍挾雲起攘外遏強寇安內輔  
孺子伊呂良可追管樂詎足擬二表泣鬼神耿耿光青史命畢  
五丈原恨流江漢水當年有流公隴上秉耒耜足已外無求民  
物捐傲屣惟公立談時決策以炎紀閉戶不失人救世不枉己  
緬懷三代下誰許齊一揆用而舍藏庶乎子淵氏

白帝城謁昭烈武侯廟

盛錦

永安宮殿峽江頭一體君臣祀武侯天祖式臨傳詔夜風雲色  
變出師秋鳴鑾久絕空山道筆猶懸古驛樓瞻尙死忠謀死  
孝千秋配食重謀

彌牟道中望入陣圖遺址

王士正

落日彌牟道風霜百戰場青天迴玉壘遠樹出華陽陸海三都  
潤雄圖入陣荒卧龍虛故蹟駐馬惜降王

隆中

王士正

咫尺隆中路如聞梁父吟地傳龍卧久山接鹿門深遺憾甯關  
隴高風激漢陰沔江流不盡西望一沾襟

赤壁

袁枚

一面東風百戰軍當年此處定三分漢家火德終燒賊池上蛟  
龍竟得雲江水自流秋渺渺漁燈猶照荻紛紛我來不共吹簫

諸葛武侯集

卷四

附詩

三

客烏鵲寒聲靜夜聞

兵書峽 有序

袁枚

丙辰余過東安舟人指絕壁曰此諸葛武侯藏兵書處  
也余諦視之見木匣正方圍四尺許度山腰閒今五十  
年矣舟過再觀宛然無損雖俗傳譌語可嗤然頗聞閩  
蜀閒往往高崖絕壁上有仙床浮舟造物奇詭真不可  
測也

誰把金箱置碧虛相傳諸葛有兵書擬呼羊侃橫行上取獻  
熙朝補石渠

諸葛武侯集

卷四

陣圖

三四

昭玘曰陣之所以入者自有所祖述蓋其法肇於黃帝具於  
 夙周而變化於諸葛孔明非諸葛孔明之獨能為是也昔黃帝  
 潛通八卦而建一都之法默會九天而設三軍之制是以周公  
 則而象之以九夫為井四井為邑四邑為邱四邱為甸四甸為  
 縣四縣為都自九夫之井至於四縣之都而得乎一都之法又  
 以五人為伍五伍為兩四兩為卒五卒為旅五旅為師五師為  
 軍自五入之伍至於五師之軍而合乎三軍之制至於孔明則  
 又上探黃帝之微意下采成周之遺法因而循之與道神之革  
 而化之與時宜之而陣法備焉故其制為八陣自九夫為井而  
 演之縱橫皆八而有八八六十四陣者所以通乎八卦也立為  
 三軍自五人為伍而演之周旋皆九而有九九八十一陣者所  
 以會乎九天也然則孔明之所祖述者可謂深且遠矣非與夫  
 古人之精神心術流通為一者曷能爾哉雖然論其深妙固未  
 易以立談判考其大綱則不過奇正二字而已蓋古之制軍合  
 萬二千五百人而為軍其為伍者一千一百二十五其為兩者  
 二百五十取三焉而為奇其餘七以為正四奇四正而入陣  
 生焉是其分陣之數有奇有正也回旋九攢以象天四平正列



以象地散渙邪直以爲風前大後銳以爲雲天地風雲四者陣之正也延袤聯互以爲龍蟠前合後開以爲虎翼彌漫散治以爲鳥翔回屈包羞以爲蛇蟠龍鳥蛇虎四者陣之奇也是其布陣之形有奇有正也天子上將居中而不動疑兵游軍出沒而無常是共用陣之勢有奇有正也乃若神出鬼沒千變萬化不可致窮則又所謂奇正之相生如環之無端者

羅一峯曰三代以上兵法之最善者莫若軒轅之五陣三代以下兵法之最善者莫若孔明之八陣軒轅五陣本乎五行言陣之形勢但陣屬木銳陣屬火方陣屬土圓陣屬金曲陣屬水如

諸葛武侯集

卷四

陣圖

三五

敵陣爲金形我則爲火陣之形以克之敵陣爲火形我則爲水陣之形以克之此軒轅之所以爲善也孔明八陣本於八卦言陣之方以天地風雲四陣卽乾坤巽艮四隅卦之寓名也龍虎鳥蛇四陣卽震兌離坎四方卦之寓名也若正兵出何方則兩隅奇兵從翼以夾之正兵出何隅則兩方奇兵犄角以應之擊首則尾應擊尾則首應擊中則旁至擊旁則中起此孔明之所以爲善也

八陣圖疏曰臣通考古今陣法莫有過於軒轅黃帝破

陣也黃帝按井田作陣法大軍居中專主旗鼓八節旋

繞悉聽指揮若正北受敵則東北西北二兵爲奇兵張左右翼以援之若正南受敵則東南西南二兵爲奇兵張左右翼以援之其正東正西及四隅受敵亦如之所謂常山蛇擊其首則尾應擊其尾則首應擊其中則首尾相應也古之名將知此法者惟太公望孫武子韓信諸葛孔明李靖諸人而已吳起以下莫能知也一大陣之中固有八陣而小八陣之中亦各有八陣大陣則法伏羲八卦小陣則法文王六十四卦所謂陣間乎陣隊間乎隊者也若夫造楯甲有九星開八門用三奇者則又黃帝命風后爲之也蓋聖人以神道設教以神其術使人莫知其所

諸葛武侯集

卷四


陣圖

三

以然也大將居於立武之位而北獸則常山蛇也故曰常山蛇陣

蜀志言孔明推演兵法作八陣圖咸得其要今考侯八陣圖凡四其在廣都之八陣鄉者一百二十有八當頭陣法也在魚復永安宮南江灘水上者六十有四方陣法也在沔陽之高平舊壘者二百五十有六下營法也在益州城東南隅棋盤市者亦二百五十有六今無其蹟

魚復江八陣圖




諸葛武侯集

卷四

陣圖

三

彌牟八陣圖



原是六八四十八爲正兵  
十六爲奇兵 外十二

右壘六十八配  
下經三十四卦

左壘六十配  
上經三十

八陣開門四分正四奇四冲圖



方陣圖

諸葛武侯集

卷四

陣圖

三



諸葛武侯集



卷四

陣圖

三五

圓陣圖

曲陣圖



遊騎二十四陣分屬各陣圖



陣六冲前	陣六冲右
辰屬前校	酉屬右奇
巳屬前軍	申屬右軍
午屬前奇	未屬右校
左	後
寅屬左軍	亥屬後軍
卯屬左奇	子屬後奇
	戌屬後校


諸葛武侯集

卷四

陣圖


四十

直陣圖





正義分配瞿塘八卦陣圖




諸葛武侯集

卷四

陣圖


聖

騎兵歸營圖






張燧分配瞿塘八陣圖



通鑑分配瞿塘八陣圖



諸葛武侯二十八宿分野

角亢氏鄭兖州 東郡入角一度 東平任城山陰入角六度

泰山入角十二度 濟北陳留入亢五度 濟陰入氏一度

東平入氏七度

房心宋豫州 潁川入房一度 汝南入房二度 柳郡入房

四度 梁國入房五度 淮南入心一度 魯國入心三度

楚國入房四度

箕尾燕幽州 涼州入箕十度 上谷入尾一度 滎陽入尾

三度 右北平入尾七度 河西上郡北遼東西入尾十度

諸葛武侯集

卷四

分野

四

涿郡入尾十六度 渤海入箕一度 樂浪入箕三度 玄

菟入箕六度 廣陽入箕九度

斗牛女吳越揚州 九江入斗一度 廬江入斗六度 墜方

入斗十度 丹陽入斗十六度 會稽入牛一度 臨淮入

牛四度 廣陵入牛八度 泗水入女一度 六安入牛六

度

虛危齊青州 齊國入虛六度 北海入虛九度 濟南入危

一度 樂安入危四度 東萊入危九度 平原入危十一

度 淄川入危十四度

望壁衛并州 安定入室一度 天水入室八度 隴西入室

四度 酒泉入室十一度 張掖入室十四度 武都入室

一度 金城入室四度 武城入室六度 墩隍入室八度

奎婁胃魯徐州 東海入室一度 瑯琊入室六度 高密入

婁一度 陽城入室九度 膠東入室一度

昂畢趙冀州 魏郡入室一度 鉅鹿入室三度 常山入室

五度 廣平入室七度 中山入室十度 清河入室九度

信都入室三度 趙郡入室八度 安平入室四度 河滸

入畢十度 眞定入室十三度

諸葛武侯集

卷四

分野

聖

觜參魏益州 廣漢入室一度 趙雋入室三度 蜀郡入室

一度 犍爲入室三度 牂牁入室五度 巴郡入室八度

漢中入室九度 益州入室七度

井鬼秦雍州 漢中入室一度 定襄入室八度 鴈門入室

十六度 代郡入室二十八度 太原入室二十九度 上

黨入室二度

柳星張周三河 宏農入室一度 河南入室三度 河東入

張一度 河內入室九度


翼軫楚荊州 南陽入室六度 南郡入室十度 江夏入室

十二度 零陵入軫一度 桂陽入軫六度 武陵入軫十  
度 長沙入軫十六度

諸葛武侯集

卷四 分野

巽



諸葛武侯集卷四終

